

醫方類聚卷之七十一

齒門一

論

千金方

齒病

含漱湯 漱湯

千金翼方

千金月令

揩齒散



海上仙方

牙齒疼痛

牙疼

走馬牙疳

齒痛

聖惠方

治牙齒疼痛諸方

升麻散

細辛散

地骨皮散

雞舌香

散麝香丸

治牙疼諸方

莽草散

經效蟾酥丸

啄木舌散

插

耳皂莢丸

胡椒丸

砒霜丸

地龍丸

麝香丸

濕生蟲丸

白芥子吹鼻散

塞鼻阿魏丸

草烏頭丸

附子丸

烏

頭丸

治齒疼諸方

白楊皮散

松脂散

治齒風疼痛諸方

芎藭散 蛇蛻皮散 烏頭散 槐白皮散 皂莢散 露蜂房散 皂莢丸 川升麻散

治牙齒虫孔有蟲諸方

莽草散 露蜂房散 莽草散 蝦蟆散 藜蘆散 麝香散 巴豆丸 白礬丸 韭子丸

治齒齲諸方

白礬散 蝦蟆散

治齒齲諸方

薔薇根膏 細辛散 青黛散 揩齒藥 葇荂子散 葶藶煎 白礬散 梘黃煎 硫黃烙

治牙齒風疳諸方

雄黃散 朱砂散 青黛散 揩齒散 砒霜散 穀精草散 鶴蝨散

治牙齒急疳諸方

黃礬散 石膽散 蝦蟆灰散 雄黃散

地龍散 麝香散 青礬散 青黛散

角蒿散 石膽散 乾蟾散 三礬散

治齒漏疔諸方

棘刺散 胡桐淚散 青黛散 麝香散

丁香散 銅青散 鹽綠散 鯽魚散

治牙齒瘞蠹諸方

獨活丸 皂莢散 穀精草散 黃丹散

川升麻 揩齒散

治齒黃黑諸方

地骨皮散 龍花藥散 朱砂散

治牙齒動搖諸方

柳枝湯 芎藭散 地骨皮散 細辛散

五靈膏 胡桐淚散

治牙齒挺出諸方

郁李根皮丸 枸杞根散 當歸散 蔓

荊子散 藜蘆散 竜齒散 地黃膏

治齒斷腫痛諸方

白楊皮散 川椒散 胡桐淚散 松節

散 槐白皮散 柳豆散 郁李根散
柳枝湯 細辛散 生地黃散

治斷間血出諸方

當歸散 地黃湯 黃連散 白礬散

龍骨散

治牙齒脫落牢牙諸方

銅末散 塩綠散 出牙烏頭散 胡桐

淚散 牢牙散 牢牙散

治牙齒不生諸方

治齩齒諸方

羌活散 升麻散

揩齒令白淨諸方

朱砂散 七寶散 龍腦散 槐枝散

桑椹散 貝齒散 升麻散 寒水石散

龍花藥散

和劑局方

口齒

麝臍散 赴筵散 如神散 玉池散

細辛散

大全本草

三因方

齒病證治

安腎圓 八味圓

衛生十全方

口齒

揩牙藥

神巧萬全方

三枝散

助道方

治老人腎弱牙齒疼

治腎虛牙齒浮疼

是齋醫方

乳香膏 升麻地黃散 薑黃散 立効

散

齒門 二

瑣碎錄

牙齒

直指方

齒病證治

荆芥湯 消風散 溫風散 安腎圓

八味圓 香椒散 開笑散 皂莢散

二陳湯 甘露飲 荆槐散 鬱金散

靈脂醋 鶴蝨圓 歸荆散 川椒散

麝香散

朱氏集驗方

齒

二妙丸 嘉禾散 白花散 立効散

細辛散 細辛散

嚴氏濟生方

齒

牢牙散 莽草散 香楨散 安腎圓

嚴氏濟生續方

齒

必勝散 驅毒飲

修月魯般經後錄

治病百法

風虫牙疼

宣明論

信効散 鉛白霜散 麝香散 紅玉挺

子

東垣試效方

牙齒

羌活散 草豆蔻散 麻黃散 麝香散

白芷散 治虫散 益智木律散 蝎梢

散 白牙散 當歸竜膽散 牢牙地黃

散 細辛散 立効散 牢牙散

風熱牙疼治驗

清胃散 神功圓

蘭室秘藏

口齒

刷牙藥 獨聖散

御藥院方

丁香石燕子散 三物膏 漱口沉香散
 槐枝散 地黃散 胡桐淚散 一捻金
 散 生地黃散 乳香膏 胡桐律散
 刷牙藥 葶草散 太和散 甘露飲子
 地黃散 當歸散 蜜陀僧散 消毒散
 麝香散 槐白皮散 立勝散 石膽散
 香附子散 延齡散 細辛散 一字散
 露蜂房散 細辛湯 葶撥散 牢牙如
 聖散 宜牙膏 五倍子散 漱毒散

升麻散 獨活散 葶撥散 獨活散
 青龍散 五靈膏 血竭散 地骨皮湯
 丁香散 乳香定痛散 三聖散 玉池
 散 立効散 升麻散 補骨脂散 香
 附子散 追風散 菊醬散 茵草葉散
 地竜散 藁本散 漱風散 草烏頭散
 地黃餅子 土瘞藜散 壹字救苦散
 二聖丸 槐枝八仙散 胡桐律散 石
 膽散 二勝散 檳榔散 香芎散 升

麻丸 伏苓散 應痛散 升麻散 牙
 藥麝香散 清上防風散 地黃膏 牙
 藥麝香散 石燕子散 牢牙石燕子散
 加減牙藥麝香散 二色漆牙藥 升麻
 散 真珠散 白牙藥 雄黃膏 定痛
 散 生肌桃紅散 訶子散 沉香散
 玉池散 柳枝湯 雄黃散
 得效方
 齒病

安腎圓 八味圓 蝎附散 甘露飲
 雙和湯 防風散 消風散 川芎散
 指牙散 甘松香散 小薊散 芫花散
 澹軒方

牙痛
 虫牙痛

牙疎
 牙藥

平衛生寶鑑

牢牙散 救苦散 葦撥散 麝香散
乳香丸

澹寮方

牙齒門

透關散 擦牙散

聖濟總錄

齒間出血

烏金散 柳枝散 棘刺散 龍腦散
當歸湯 神效散 胡粉散 細辛散

齒斷宣露

升麻散 茜根散 雞舌香散 地黃散
紅絲散 芎藭散 細辛湯 白楊皮湯
牢牙散 黃礬散 芎藭散 地黃散
細辛散 松節湯 海蛤散 雞舌香散
青黛散 白殭蠶散 牛膝散 牢齒膏
地黃散 去風散 藁本散

齒齲

獨活丸 禁石湯 蜀椒湯 藜蘆散

白附子散 麝香散 白附子散 雄黃

煎 松脂湯 烏頭湯 烏頭丸 細辛

湯 吳茱萸丸

牙齒動搖

蜀椒散 細辛湯 地骨皮散 防風湯

細辛散 麝臍散 石菖蒲散 地黃丸

草烏頭散 芎藭湯 黑聖散 捍齒膏

棘刺散 礬石散 堅齒散

牙齒黃黑

竜花藥散 細辛散 升麻散 石膏散

升麻散 鍾乳散 空青散 白芷散

胡桐淚散

牙齒不生

細辛湯 川升麻散 青礬膏

牙齒挺出

青黛散 地骨皮湯 甘草膏 郁李根

湯 杏人煮散 細辛湯 細辛湯 紫

金散

揩齒

細辛散 秦椒散 貝齒散 丹砂散

防風散 白芷散 皂莢散 白石英散

細辛散 牛膝散 細辛散 升麻散

金牙散 蓮子草散 白芷散 大聖散

皂莢散 胡桃灰散 黑金散 槐枝散

芟實花散 華山石刻散 當歸散

居家必用

長春散 不老湯 還童丸 白牙散

七寶散 俏牙藥

必用全書

齒藥還丹散

必用之書

拔粹方

紅鉛散 固真丹 搽牙藥 神應散

善應膏

瑞竹堂方

髮齒

妙應散 沉香散 追風散 刷牙藥

神仙長春散 蒺藜散

王氏集驗方

刷牙藥 漱口藥

醫方大成

牙齒

金沸草散 雄黃定痛膏

南北經驗方

牙齒

袖珍方

牙齒

升麻散 砂糖丸 玉池散 祛風定痛

散 定痛消風散 白牙散 七寶散

永類鈴方

齒牙

齒門

經驗秘方

立效丸 綠袍散 如聖散 升麻散

香莢散 麝香礬雄散 止痛散 香椒

散 西鵬散 仙桃散 荆芥散 露蜂

房散 聖蟾散 定痛散 失笑散 立

應散 如神散 盛樵散 烏金散 芎

歸湯 黑錫丹 黑聖散 蟾酥散 必

勝散 青牛散 截疳散 刷牙藥 擦

牙藥 刷牙藥 一捻金散 刷牙藥

青絲散 刷牙烏髭鬚 青絲散 烏髭

牢牙散 刷牙藥 刷牙藥 妙應散

茴香散

經驗良方

牙

掃痛圓

醫林方

神仙救苦散

烟霞聖效方

萹撥散

壽親養老書

施圓端效方

麝香散 玉粉錠兒 麝香散 麝香錠
了 雄碌散 麝膽散 雄黃散 滄清
散 失笑散

吳氏集驗方

捉痛散 撮腫湯 止疼散 赴筵散

辛豆湯

神効名方

仙人散

山居四要

牙齒

新效方

急救仙方

玉機微義

牙齒

細辛散 玉池散 獨活散 立效散

羌活散 丁香散 葶藶散 白芷散

胡桐淚散 犀角升麻湯 當歸龍膽散

類聚卷之十一
十五

類聚卷之十一

十六

類聚
卷之
十一

益智木律散 麝香散 調胃丸 升麻

丸 清胃散 八味丸 安腎丸 取牙

藥 堅牙藥 麝香間玉散 痰藜散

白牙散 香楹散

臞仙活人心

神功散

運化玄樞

壽域神方

齒部

衛生易簡方

牙齒

御醫撮要

細辛湯 荊芥湯

齒備預百要方

齒疳齒蠶

簡奇方

藥齒

麝香散 青金膏

類聚
卷之
十一

餘藥無名者散見本方

禁忌

鍼灸

導引

齒門

巢氏病源論

牙齒病諸候

牙齒痛候

牙齒痛者是牙齒相引痛牙齒是骨之所終

髓之所養手陽明之支脉入於齒若髓氣不足陽明脉虛不能榮於牙齒為風冷所傷故疼痛也又有蟲食於牙齒則齒根有孔蟲居其間又傳受餘齒亦皆疼痛此則針灸不瘥傳藥蟲死乃痛止

牙痛候

牙齒皆是骨之所終髓氣所養而手陽明支脉入於齒脉虛髓氣不足風冷傷之故疼痛也又蟲食於齒則根有孔蟲於其間又傳受

餘齒亦痛掣難忍若蟲痛非針灸可瘥傳藥
蟲死乃痛止

風齒候

手陽明之支脉入於齒頭面有風陽明之脉
虛風乘虛髓脉流入於齒者則令齒有風微
腫而根浮也

牙蟲候

牙蟲是蟲食於牙牙根有孔蟲在其間亦食
牙疼痛食一牙盡又度食餘牙

齒蟲候

齒蟲是蟲食於齒齒根有孔蟲在其間亦全
齒疼痛食一齒盡又度食餘齒

齒蠶候

齒蠶者是蟲食齒至斷膿爛汁臭如屯之收
故謂之蠶齒

齒音離候

齒音離者是風冷客於齒斷間令齒斷落而
膿出其齒則踈語則齒間有風過之聲世謂

齒音離也

齒齲候

齒者骨之所終髓之所養髓弱骨虛風氣客之則齒齲

拔齒損候

手陽明足陽明之脉並入於齒拔齒而損脉者則經血不止藏虛而眩悶

千金方

齒病

凡齒齲宣露多是疔蟻及月蝕以角蒿灰夜傅齲間使滿勿食油不過二三夜瘥食油及乾棗卽瘥所以患齒者忌油乾棗及桂心每旦以一捻塩內口中以暖水含揩齒及叩齒百遍爲之不絕不過五日口齒卽牢密凡人齒齲不能食果菜者皆由齒根露也爲此搥湯揩齒叩齒法無不愈也神良凡人好患齲病多由月蝕夜食飲之所致也識者深宜慎之所以日月蝕未平時特忌飲食小兒亦然

聖惠方

口齒論

夫口齒者爲藏腑之門戶呼吸之機關納滋味以充胃腸通津液以潤經脈故口爲脾之應候齒作骨之榮華在乎一身實爲大要是以黃庭經云口爲玉池太和宮漱嚙靈液災不干齒治之堅牢白淨卽津液美而無病矣或揩洗無方招風致病性有踈嬾不能矜持滋蔓旣深損蠹朽尤甚又經曰唇爲飛門齒

爲戶門宜發五音摧伏諸穀凡有病起因口所成含惡氣以嚙津益痰癖而在膈使心胃壅滯毒氣攻蒸久而熏之焉得不損究其病本寔有多般且疳疔者其齒斷虛軟而無膿血又口疔者其齒斷觸著卽膿血出又口疔其斷不觸自然膿血出又風疔者其齒斷上齦有小乳形如蜂窠之狀又齒疔其齒骨脆爛又齒斷唇口忽變白色或作青黑色者是急疔之狀也死不過旬其宜急治之先看唇

類聚七十二
頰裏有紫赤或青黑脉處卽須針去惡血不
然烙之亦好附齒有黃黑色物似爛骨之狀
者名爲齒牀凡治齒者先看有此物卽須用
疳刀掠去之附齒有物如蟬翼或如雞子膜
或如絲纏著齒根亦須用疳刀掠去之不爾
則齒斷永不附著齒根也

和劑指南

論牙齒疼痛

牙齒疼痛其證不一有熱痛者滿口齒浮因

上膈有熱而痛者有虛痛者皆因腎經虛憊
虛熱之氣上攻而痛有風虫牙痛者須用子
細詳證方可服藥齒齲浮腫口內氣熱滿口
齒浮而動此熱證也可與四順飲汁露飲洗
心散龍腦飲清心飲子八正散次煎升麻葛
根湯灌漱吐去兼喫些小不妨 腎經虛憊
虛熱之氣上攻齒痛及老弱人齒痛者可與
黃耆圓安腎圓鹿茸圓八味圓次用赴筵散
擦之以升麻葛根湯灌漱 風疰牙齒疼痛

後生壯實者可與細辛散赴筵散指擦去風
吐出痰良久以升麻葛根湯灌漱卽吐次與
黑神圓乳香圓白竜圓 飲酒齒痛者以井
水洗漱或百藥煎泡湯冷含嚙或縮砂嚼傅
可用

斷病提綱

齒證訝

齒爲腎候骨之餘號曰關門見古書精固齒
堅齊白密腎衰齒豁動搖踈大腸支脉循齦

內灌注于牙胃一如浮腫知因腸胃壅若還
宣露責中虛腫連頭而兼風氣疔蟹齩脫還
成痔諸證皆由炁鬱生用意斟量爲主治
直指方

齒論

齒者骨之所終髓之所養腎實主之經云腎
衰則齒豁精固則齒堅誠哉是言也或曰手
陽明之支脉入齒手陽明者大腸經也於齒
夫何預不思大腸傳送氣道行焉壅則齒浮

虛則宜露挾風則上攻頭而疔腫則變成齩
脫不相爲而實相關也夫齒之爲痛者五一
曰風熱二曰風冷三曰毒痰四曰惡血五曰
虫蝕風氣襲虛客於齒間乘於血氣故令斷
腫熱氣加之膿汁遺臭此風熱之爲齒痛一
也血氣不足骨髓乃虛風冷湊入停於齒根
不腫不蛀日漸動搖此風冷之爲齒痛二也
熱則生痰毒氣上攻灌注經絡最能發痛外
證壅盛咳唾交衝此毒痰之爲齒痛三也頭

面有風挾熱攻斷熱搏於血故令血出瘀滯
不消掣痛鑽刺此惡血之爲齒痛四也凡人
飲食甘肥不能潔齒腐臭之氣淹漬日久齒
根有孔虫在其間蝕一齒盡又度其餘至如
疔腫皆其種類必虫殺而後痛止此非五曰
虫蝕之證乎前是數者痛有自來治各隨證
條列于後雖然百物養生莫先口齒不漱不
洗損蠹之媒是不惟患生宿腐而暑毒酒毒
常伏於口齒之間莫若時時洗漱之爲愈也

臨睡洗畢至于晨興灌漱一口吐出掌中就
掌滌眼自覺光明終身行之真可爲終身受
用

嚴氏濟生方

齒論治

夫齒乃骨之餘氣骨乃腎之所至呼吸之戶
門者也精氣強則齒自堅腎氣衰則齒自豁
且手陽明大腸之脉入於齒灌注於牙儻風
寒壅熱之氣鬱滯心胃衝發於口則齒爲之

病矣輕者爲宣露斷頰浮腫甚則爲疳蠶齩
脫之證也亦有腎氣虛壅齒痛宣露當進補
腎藥其諸隨證施以治法

管見大全良方

牙齒疼痛證治

夫牙齒疼痛其證不一有熱痛者有虛而痛
者有風虫牙疼者須子細詳證方可與藥
若齒齦浮腫口中氣熱滿齒浮而動此因
上膈有熱而痛也可與甘露飲竜腦飲煎服

次煎升麻葛根湯灌漱 若大便秘小便赤者與八正散四順飲洗心散選用而用之 若風虫牙齒疼痛者如後生壯實者可與細辛散赴筵散止痛去風與黑神圓乳香圓白龍圓亦可煎升麻葛根湯荆芥散灌漱 若腎經虛憊虛熱之氣上攻齒痛及老弱人齒痛者與黃耆圓安腎圓鹿茸圓八味圓可選而用之 近人用冷水空心吞黑錫丹一貼作兩服次以赴筵散擦之亦可用荆芥散升麻葛

根湯煎成乘熱灌漱

十形三療

牙痛

澤州李繼之忽病牙痛皺眉不語樂景先見之曰何不樂也曰牙痛藥曰曾記張戴人云陽明經熱有餘也宜大下之乃付舟車丸七十粒服畢遇數知交留飲強飲熱酒數杯藥爲熱酒所發盡吐之吐畢而痛止李大服曰戴人神仙也不二五日又痛再服前藥百餘

粒大下數行乃愈

東垣試效方

牙齒論

大齒者腎之標口者脾之竅諸經多有會於口者其牙齒是也手足陽明之所過上斷隸於坤土乃足陽明胃之脉貫絡也止而不動下斷嚼物動而不休手陽明大腸之脉所貫絡也手陽明惡寒飲而喜熱足陽明喜寒飲而惡熱其病不一牙者腎之標亦喜寒寒者

堅牢爲病不同熱甚則齒動斷斷祖脫作痛不已故所治療不同也有惡寒而作痛者有惡熱而作痛者有惡寒飲少熱飲多而作痛者有惡熱飲少寒飲多而作痛者有牙齒動搖而作痛者有齒祖而爲痛者有齒斷爲瘡所蝕缺少血出爲痛者有齒斷腫起爲痛者有脾胃中有風邪但覺風而作痛者又有牙上多爲虫所蝕其齒缺少而色變爲虫牙痛者有胃中氣少不

能於寒祖露其齒作痛者有牙齒疼痛而穢
臭之氣不可近者痛既不一豈可一藥而盡
之哉劉經歷之內年三十餘病齒痛不可忍
須騎馬外行口吸涼風則痛止至家則其痛
復作家人以爲祟神禱於巫師而不能愈遂
求治於先師師聞其故曰此病乃濕熱爲邪
也足陽明貫於上齒手陽明貫於下齒况足
陽明多血多氣加以膏粱之味助其濕熱故
爲此痛今立一方不須騎馬常令風寒之氣

生於牙齒間以黃連胡桐淚之苦寒新薄苛
葉荊芥穗之辛涼四味相合而作風寒之氣
治其濕熱爲主以新升麻之苦平行陽明經
爲使牙齒骨之餘以羊脰骨灰補之爲佐麝
香少許入肉爲引用爲細末擦之痛乃減半
又以調胃承氣湯去硝加黃連以治其本服
之下三兩行其痛良愈遂不復作

澹寮方

牙齒門

夫齒乃骨之餘腎主營養呼吸之門戶也故
腎衰則齒豁精盛則齒堅又手陽明大腸脈
入於齒灌於牙大腸壅則齒亦浮腫虛則宣
露挾風則上攻面目疔腫則齧丘禹反脫為
痔皆當隨證而施治之

葉景夏家一妾爲病齒所苦遇痛作時爬床
刮席連夕叫呼徹旦勻飲不可入口醫者無
藥不用經年不瘥或授一方取附子尖天雄
尖全蝎七箇皆生碾細拌和以紙撚蘸少許

點痛處隨手痛止林元禮云是未足爲奇舊
得一法捕蚶蚬大者一枚削竹篦子刮其眉
卽有汁粘其上約所取已甚則放之而以汁
點痛處比疔蝕癰腫一切齒痛悉可用藥到
痛定仍不復作姪孫憫云此名蟾酥膏先以
篦掠眉下汁未出時當以細杖鞭其背及頭
候作怒鼓脹則流注如涌然後挹以絛徑窒
痛處

永類鈴方

齒牙

資身之器齒為最勞自能食至於終身無少
鈍此亦神奇古人每旦盥湯嗽滌扣啄亦衛
生之道也內丹訣云任督二脉為一身陰陽
之海五氣真元此為機會而斷交二穴在唇
內齒上縫為任督二脉之會一身之要人罕
知之仙經云一物舍五彩永作仙人祿言其
備五行之英華總二脉之交會古真人每秘
其旨針經云足陽明之脉入上齒縫中手陽

明之脉入下齒縫中是以胃氣虛則上齒卒
痛大腸壅則下齒忽浮胃有流熱則齒腫大
腸經虛則齦宣二經之脉俱循于齒故病如
是

脉

病證

治

冷 怕熱水如聖餅 黑錫丹

熱 怕冷水 人參敗毒散 三因金沸

草散 御院獨活散

風 不怕冷 人參消風散 御院定痛

類聚卷之十一
三十一

熱以腮腫散

弱 虛 搖動小安腎元黑錫丹選奇鐵翁

便數耳鳴 先生交感丹指牙散

虫 有虫竅赴蓬散 椒末雄黃石灰

沙糖丸塞葱子韭子安

瓶中燒

烟熏出虫

腫 大黃末和消風散復通散

姜汁調敷貼

經驗秘方

齒論

齒為關門腎之榮骨餘也腎衰齒豁精固齒
堅齒落不生者血氣虛耗也齒脫復生者骨
髓強盛也色黃黑者由其枯燥也根搖動者
不能榮潤也膿臭侵斷者齲齒之證齒漏亦
如之根浮微腫者風齒之形斷腫亦如之齒
齲則蟲食斷爛齒挺則膿腐根露齒血出者
風熱搏血之所致齒音离者風冷客斷之所

類聚卷之十一
三十一

生血損牙黯黑謂之歷蠹夜睡齒磨切謂之
齧齒至如大腸支脈屬在牙斷故灌注於牙
大腸或壅牙必浮動大腸或虛牙必宜露證
既不同治各有法
玉機微義 牙齒門

論牙齒諸痛所因

東垣曰夫齒者腎之標口者脾之竅云云豈
可一藥而盡之哉詳見本方
按此論齒惡寒熱等作痛本手足陽明動

搖斷脫本足少陰故此三經所主為多然
齒祖虫疳濕熱斷腫血出作痛痛而穢臭
者皆胃熱火盛所致亦有諸經錯雜之邪
與夫外因者故已上病機現證甚詳學者
宜究其機而處治焉

刺論牙痛分三因具三因皆惡於熱

陳無擇云齒為關門腎之榮骨之餘也云云

不同治之詳見後書因出頭眩支竹

謹按頭面外冒風寒或自吸寒冷致牙痛

者皆外因也實熱或陰虛火動骨蒸所致
 氣鬱血熱虫疰皆內因也硬物所支打擊
 刺等致皆在內外所因也故諸証不同治之
 陳正言經病而不具三因者恐傳梓時脫
 簡尔

論齒痛為感熱濕熱所致

東垣曰劉經歷之內年三十餘云云遂不復

作

詳見史記

按此論實熱例而合辛涼風劑蓋風能勝

濕皆以洩熱也今世俗有以大戟芫花小
 麥椒細辛蒼耳熬湯熱嗽而牙痛立止者
 正同此例大抵人之牙齒致病實多內則
 氣鬱血熱骨蒸等因外則阻炙熱受寒水
 鹹酸辛粹之味適口豈不漬搏耶且如以
 醋沃石則石為蘇况人之骨餘者乎然雖
 經絡之喜寒熱氣各不同所受病異者則
 豈全在慄尔
 千金方

以青錢七文燒令赤取小口鬮子令可口
含得者將錢內鬮子中取一撮許莨菪子
安錢上令炮炆聲仍與半合許水淋令氣
上從鬮出將口含鬮口令氣莫出用熏齒
冷復更作取三合藥盡爲劑非止蟲齒得
瘥或風齒齩齒齒中病悉主之口中多津
卽吐之○聖惠方治齩齒蟲腐方莨菪子
三合於瓶子內盛將青銅錢七文燒令通
赤投於瓶中候燒莨菪子作聲有煙出以

筆管引煙氣於虫痛處有蟲出痛止卽差
又方白楊葉切一升水三升煮取一升含之
又方大醋一升煮枸杞根白皮一升取半升
含之蟲立出

又方取桃人少許以釵頭穿向燈上燒之煙
出經少時吹滅卽內入口安蟲齒上咬之
不過五六度一方作胡桃人

治疔蟲蝕齒根方地竜置石上著一撮塩須
臯化爲水以麩展取却待凝厚取以內病

上又以皂莢去皮塗上蟲即出

又方純麻子燭燼研以井花水塗之

又方黑殺羊脂苘蓉子各等分先燒鐵鋤斧

鑿令赤內其中烟出以布單覆頭令煙氣

入口熏之

治齒斷腫痛及蟲痛方

黃芩 甘草 桂心 當歸 細辛 蛇

床子各一兩

右六味咬咀以醋漿水七升煮取三升去

滓含之日三夜二

治齒有孔不得食面腫方

莽草葉七猪椒附根皮長四寸者七枚

右二味咬咀以漿水三升煮取一升滿口

含倦即吐却日二三度

治齒根腫方

松葉一把鹽一合

右二味以酒三升煮取一升神巧萬全含

之千金翼方同

治齒根動欲脫落方生地黄綿裹著齒上咋
 之又咬咀以汁漬齒根日四五度著之并
 咽汁十日大佳。○千金翼方生地黄大者
 一寸絲裹著牙上嚼咽汁汁盡去之日三
 卽愈可十日含之更不發也神巧萬全方
 取生地黄肥者絲裹聖濟總錄細切以所
 患處嚼之咽汁盡更含三日總錄燕汁盡
 度衛生易簡方治牙齒動搖川生地黄綿
 裹咋其汁漬齒根并嚙津三五度差

治齒根動且痛方

生地黄獨活各三

右二味咬咀以水一升方千金翼漬一宿取

含之

治齒斷間津液血出不止方生竹茹二兩醋

煮神巧萬全方四含之。○衛生易簡方用

生竹茹四兩醋浸一宿小少含之不過三
度血止

又方細辛甘草

右二味咬咀以醋二升煎取一升日夜旋含之

又方礬石壹兩燒水三升煮取一升先拭血乃含之已後不用朽人牙根齒落不用之可也

治齒間血出方以苦竹葉濃煮與塩少許寒溫得所含之冷卽止備預百要方同○經驗秘方竹葉湯治牙縫出血苦竹葉判散水濃煎服

又方溫童子小便半升取三合含之其血卽止

治齒出血不止方刮生竹皮二兩苦酒浸之令其人解衣坐使人含喫其背上三過仍取竹茹神巧萬全方茗草濃煮汁勿與塩適寒溫含嗽之萬全方竟目爲度千金翼方同

治酒醉牙齒涌血出方當歸二兩礬石六銖桂心細辛甘草各一兩右五味咬咀以漿水五升煮取三升含之

日五六夜三

又方燒釘令赤注血孔中止神巧萬全方同

治頭面風口齒疼痛不可忍方

蜀椒二合莽草十葉雀李根 獨活各二兩 細辛

芎藭 防風各一兩

右七味咬咀以酒二升半煮三五沸去滓

含之冷吐更含之勿咽汁張文仲有白木二兩

又方雞屎白燒灰以絲裏置齒痛上咬咋之

備預百要方同

又方煮枸杞汁含之

又方雞屎白以醋漬煮稍稍含之

又方生地黄節一蒜一瓣

右二味熟搗絲裏著痛上咬之勿咽汁汁

出吐之日日為之瘥止

又方含驢尿須臾止

含漱湯治齒痛方

獨活 當歸各參兩 黃芩千金翼方參兩 細辛翼方一兩

芎藭翼方參兩 葶撥各二兩 丁香一兩

右七味咬咀以水五升煮取二升半去滓
含漱須臾悶乃吐更含之古今錄驗同
有甘草二兩

又方含白馬尿隨左右含之不過三五口千金
翼方 ○聖惠方右以白馬尿熱煖隨病左

同 右含浸齒根冷即吐之神效

漱湯治齒痛方 衛生易簡方 腐棘刺二百枚

以水二升 聖惠方二大盞備
預百要方叁升 煮取一升聖

方一旋旋含之 聖惠方 滓 廿四五度以

瘥止 千金翼
方同

又方芎藭 細辛 防風 礬石 附子

藜蘆 芩草 內管中惡聞口太之人知聞

右七味各等分作末懸囊如彈丸大酒浸

安所患處含之勿咽日三刺破極佳

又方 神巧萬全方 治齒出血不止 蚯蚓糞水

和作稠泥團以火燒令極赤如粉以臘月

猪膏和傅齒斷上 萬全方此下有
不過十度四字 三兩

度永瘥 不可食生果式

又方取自死蚯蚓乾者搗末著痛處即止 千金

翼方

治齒斷痛不可食生果方

生地黃

右二味合嚼令味相得咽之

又方馬齒一把嚼之即瘥

治牙癰塞口噤不開方

附子

右三味為末內管中強開口吹之入喉間

細細吹之

于金翼方

治齒痛方夜向北斗手拓地灸指頭地呪曰

又蝎蟲所作斷木求風蟲所作灸便休疼痛

疼痛北斗收卽差

又方人定後向北斗呪曰北斗七星三台尙

又書某甲患斷若是風斷閉門戶若是蟲斷

盡收取急急如律令再拜三夜作

治牙疼方

蒼耳子

升五

頭家

四上

右一味以水一斗煮取五升熱含之疼則
常吐吐復含不過二劑愈無子莖葉皆得用
之
又方莽草五兩
又右一味切以水一斗煮水五升含漱之
日令盡

又方內藜蘆末於牙孔中勿咽汁神良
又方取門上桃楸燒取瀝汁少少內孔中以
干蠟固之

治蟲食齒疼痛方閉氣細書曰南方赤頭蟲
飛來入某姓名裂齒裏令得蝎蟲孔安置
耐居止急急如律令小牋紙內著屋柱北
邊蝎蟲孔中取水一盃禹步如禁法還誦
上文以水沃孔以淨黃土泥之勿令洩氣
永愈

治蟲食齒根肉黑方燒腐棘取瀝塗之十遍
雄黃末傅卽愈若齒黑者以松木灰搯之
細末雄黃塗斷百日再塗之七日楡油

猪肉神效

治齒蟲方以檐一枚令病人存坐橫檐於膝上引兩手尋使極住手伸中指灸中指頭檐上三壯兩頭一時下火病人口誦呪曰噉牙蟲名字鶻莫噉牙莫噉骨灸人亦念之

治齒根空腫痛困弊無聊賴方

獨活四升酒三升

右二味於器中漬之煑火煨之令煖稍稍

沸得半去滓熱含之不過四五度

又方取地黃如指大長一寸火炙令大熱著木椎之以絲裹著齒上嚼之咽汁盡即三易差止

又方燒松栢槐枝令熟柱病齒孔須臾蟲緣枝出

治牙斷疼痛方

杏仁一百枚去皮尖兩仁者 塩末方寸匕

右二味以水一升煮令沫出含之味盡吐

却更含不過再三差

治牙車急口眼相引舌不轉方

牡蠣熬伏竜肝 附子炮去皮 礬石燒

右四味等分末之以白酒和爲泥傅其上

乾則塗之取差止

治齒齲方切白馬懸蹄可孔塞之不過三度

千金月令

治牙齒疼方右取柳枝一握細剉入少搥花

以漿水煎含之備預百要方同

又方右燒牛膝根灰置牙齒間衛生易簡方備預百要方

同

治齒宣疼方

芎藭 當歸各二兩 獨活 細辛 白芷各一兩

右以水五升煎取二升熱含之

又方右全取一鯽魚內搥花肚中燒作灰細

搗羅附齒根良

治牙痛方

茱萸 半兩一分煎水盡作末 胡椒 一分細杵末

右川棗穰為丸如胡椒立大以綿子裹含不得嚥津

指齒散

母丁香 兩一分 蒟葉 分參 斷艸 皂莢 兩一分 茜 兩一分

右已上並於銀銚子中炒令黃不得過焦皂莢即去皮及子炙令黃同杵如麵如用即先以冷水漱口了著生薑又指又用鹽花指然後用藥指津液多即嚥之思大蒜

療牙疼右取苛蘿根擣取汁半合已來左邊牙疼即點右鼻右鼻與左同溜到口中極苦三五徧即差

海上仙方

牙齒疼痛

牙疼齒痛不堪言得法尤如遇列仙犬戟燒來疼處咬名方留下不虛傳

牙疼

一撮黑豆數枝葱熟艾川椒一路同半碗水

煎噙共嗽牙疼立止顯神通

牙疼鸛虱共細辛白芷甘松等分勻細末少許擦牙上煎來嚙嗽痛安寧

走馬牙疳

走馬牙疳黃栢皮紅棗拖信火中飛細研為末貼牙上患處立效免灾疑

齒痛

雪花寒菊花擣來飯為圓鼻中吹壹粒齒痛立時蠲

聖惠方

治老齒疼痛諸方

夫牙齒疼痛者是牙齒相引痛牙齒是骨之餘髓之所養手陽明之支脉入於齒若髓氣不足則陽明虛不能榮於牙齒為風冷

所傷故疼痛也

治牙齒疼痛升麻散方

川升麻半斤 莽草一分 桑寄生一分 地骨皮兩半 槐白皮兩 防風兩 蘆頭兩 藁本一分 柳枝一握

右件藥搗篩爲散每用五錢以水二大盞
入鹽末壹錢荆芥五穗煎至壹盞去滓熱
含冷吐日三用之

治牙齒發歇疼痛不止細辛散方

細辛兩獨活半芎藭兩當歸兩葶芩半
雞舌香兩甘草一兩炙

右件藥搗麤羅爲散每用半兩以水二大
盞煎至壹盞去滓熱含冷吐

治牙齒連頰骨相引疼痛地骨皮散方

地骨皮一兩獨活兩莽草半兩細辛兩附子一
生去杏人半兩湯浸去皮尖

右件藥搗麤羅爲散每用半兩以酒壹升
浸壹宿於銅器中慢火煎之稍熱含之冷
此勿嚙日三用之

治牙齒風毒所攻疼痛不止雞舌香散方

雞舌香半兩細辛兩附子半兩獨活半兩川
椒一分去目及閉麝香半分

右件藥搗羅爲末絲裹如棗核大含之有

涎卽旋旋吐却含三五度差

治牙齒疼痛麝香丸方

麝香半錢 胡椒一分 甘松香一分 雄黃半分

右件藥搗羅為末都研令勻以木蜜和丸如梧桐子大每以新絲裹一丸安在患處咬之立效

治牙齒疼痛方

槐白皮握 荆芥穗兩

右件藥以醋壹升煎至五合入塩少許熱

含冷吐以差為度

又方防風一兩去蘆頭 附子一兩生用去皮臍 莽草兩 川

椒一兩去目及閉口者微炒去汗

右件藥搗篩為散每用三錢以酒壹大盞煎三五沸去滓熱含冷吐

治牙齒疼痛不可忍方

芎藭一兩 細辛一兩 防風一兩去蘆頭 附子一兩生去皮臍

藜蘆一兩去蘆頭 莽草一兩

右件藥搗篩為散以絲裹熱酒浸熨所患

處兼絲裏豇豆大咬之勿嚙其汁

又方猪牙皂莢一挺炙川椒七粒

右件藥擣羅為散每川壹錢以絲裹於痛處咬之有涎吐却

治牙疼諸方

夫牙齒者腎之所主也若經絡充實骨髓強盛則牙齒無病也若氣血不足風邪所乘則令斷頰浮腫成蟲蝕其間疼痛不可忍故謂之牙疼也

治牙疼連頰腫宜用莽草散方

莽草一斤細辛一斤枳殼半兩附子一兩生用
川椒一分去目及閉口者微炒去汗

右件藥擣篩每用半兩以水二大盞神巧方煎至一盞去滓熟含冷吐不得嚙之

治牙疼掣痛不止方

地骨皮一分硃砂一分細辛一分生地黃一分
右件藥擣以水二盞煎至一盞去滓入硃砂末熟含冷吐

治牙疼不可忍經效蟾酥丸方

蟾酥字一生附子角二豆大得效巴豆一枚

去皮併得效方澹寮方麝香少許

右件藥都研令勻用饊餅和九如稷米大

以新絲裏一九咬得效方澹寮方作噉之有涎即吐

却嚴氏濟

治牙疼啄木舌散方

啄木舌一枚巴豆一枚

右件藥先搗啄木舌為末入巴豆同研為

散用猪鬃一莖點藥於牙根下立差

治牙疼插耳皂莢丸方

皂莢一枚鼓一枚蒜一頭去皮巴豆七枚去皮麩炒微黃

右件藥搗研為散每用一字絲裏如梧桐

子大隨病左右內耳中立驗神巧萬全方同

治牙疼胡椒丸方

胡椒木錢一蟾酥一字水浸過

右件藥同研令相得丸如麻子大以絲裏於痛處咬之有涎即吐却

治牙疼砒霜丸方

砒霜半錢 乾地龍參錢 巴豆六枚
去殼

右件藥同研令細以猪膽汁和丸如麻子
大綿裹一丸於病處咬之有涎即吐

治牙疼地竜丸方

乾地竜一分 麝香一分

右件藥細研以黃蠟消汁和丸如粟米大
每用一丸於虫孔中嚙津無妨

治牙疼麝香丸方

麝香大豆許 巴豆一粒 細辛末半錢

右件藥同研令細以棗瓢和丸如粟米大
以新絲裹一丸於疼處咬之有涎即吐却
有虫孔即內一丸立止

治牙疼濕生蟲丸方

濕生蟲一枚 胡椒十顆 巴豆一枚
去殼

右件藥先研胡椒令細次下巴豆濕生蟲
等研令勻用軟飯和丸如菜豆大以絲裹
壹丸咬之有涎即吐却立效

治牙疼白芥子吹鼻散方

白芥子 舶上蔞蘿 芸臺子各一兩

右件藥擣細羅為散每用一字如患左邊疼即吹右鼻中如患右邊即吹左鼻中仍先淨洗鼻中吹藥即驗

治牙疼塞鼻阿魏丸方

阿魏 臭黃 砒黃各一分 雄黃一分

右件藥細研為散以端午日糴干和丸如梧桐子大如牙疼在左邊即內右邊鼻中

以紙撚子塞之合口閉氣良久即定如是

蚰牙內一丸有涎即吐却

治牙疼草烏頭丸方

草烏頭半兩 躑躅花二錢

右件藥擣羅為末以黃蠟消汁和丸如菜豆大絲裏一丸於痛處咬之有涎即吐却

治牙疼附子丸方

附子半兩 馬夜眼一枚 炙

右件藥擣羅為末以糯米飯和丸如菜豆

大蘇裏一丸於痛處咬之有涎吐却

治牙疼烏頭丸方

川烏頭一分附子一分

右件藥搗羅為末用麩糊和丸如小豆大以絲裏一丸於痛處咬之以差為度

又方蟾酥一字湯麝香一字

右件藥和研為丸如麻子大每用一丸以綿裹於痛處咬之有涎即吐却

又方阿魏 臭黃各一分

右件藥同研如粉以麩糊和丸如菉豆大每用一丸以絲裏隨患處左右插在耳門內立效

又方右以巴豆一粒煨至黃熟去殼用蒜一

瓣切一頭作蓋剝去中心可安巴豆在內

以蓋子合之用新絲裏隨患處左右塞耳

中王氏集驗方壽域神方衛生易簡方同

又方右以蘿蔔子二七粒去赤皮細研以人乳和左邊牙疼即於右鼻中點少許如右

邊牙疼即左鼻中點之立效備預白要方同

治齒疼諸方

夫手陽明之支脉入於齒齒是骨之餘髓之所養若風冷客於經絡傷於骨冷氣入齒根則齒疼也蟲若蝕齒而疼者須傅藥蟲死則痛止也

治齒疼白楊皮散方

白楊樹皮握一細辛兩半露蜂房兩半
右件藥擣篩為散每用三錢以水一大盞

浸一宿煎令三五沸去滓熱含冷吐

治齒疼及風痛松脂散方

松脂 麩鹽各一分 皂莢一挺不艸者去皮子炙令黃色
右件藥擣篩為散每用三錢以水一大盞煎五七沸去滓熱含冷吐

治齒疼立效方

生附子角十枚為末 蟾酥菘豆麝香一字
右件藥都研令細用粳米飯和丸如黍米大以絲裹一丸於痛處咬之有涎即吐却

又方右以獨頭蒜煨熱以刀切頭少許熨痛處冷則易之亦治蟲痛以差爲度衛生易簡方同

又方右以川椒一兩去目搗羅爲末以好白麵液丸如皂莢子大燒令熱於所痛處咬之不過三五度卽差

又方右以皂莢子爲末以帛裹如彈丸大於醃醋中煮熟徹卽於齒病處咬之冷卽易之神效備預百要方同

治齒風疼痛諸方

夫手陽明之支脉入於齒齒是骨之所終髓之所養若風冷客於經絡傷於骨髓冷氣入齒根則齒痛也若蟲蝕齒而痛者齒根有孔穴蟲在其間則針灸不差若傳藥則蟲死其痛乃止也

治齒風疼痛極效方

川升麻一兩防風一兩去蘆頭 細辛一兩芎藭一兩當歸一兩白花一兩地骨皮一兩獨活一兩木香一兩甘草一兩

右件藥搗麤羅為散每用五錢以水二大
盞煎至一盞去滓熱含冷吐

治齒風疼痛及口臭芎藭散方

芎藭兩一當歸兩一獨活兩二細辛兩半白芷兩半

右件藥都搗麤羅為散每用藥半兩以水
二大盞煎至壹盞去滓熱含冷吐

治頭面風口齒疼痛不可忍方

川椒一分夫目及閉莽草十片李根皮兩半

獨活兩半芎藭兩半細辛一分防風一分藟頭一分

右件藥搗麤羅為散每用五錢以酒一大
盞煎五七沸去滓熱含冷吐勿嚙如齒斷
血出用生雀血塗之便愈

治齒風及蚰牙疼痛不可忍方

狼牙草根兩半槐枝兩半柳蚰屑兩壹皂莢一分

皮令煨黃令芫荽子半木淘去浮色

右件藥細剉和勻分為三度每度以漿水
二大盞煎至一盞去滓熱含冷吐

治齒風疼痛不可忍蛇蛻皮散方

蛇蛻皮半兩黃蠶沙一兩柳枝一兩吳茱萸半兩
洗三槐枝一兩微炒

右件藥細剉每用五錢以水一大盞煎至七分淨盪嗽稍熱含之冷即吐却神效

治風齒疼痛烏頭散方

川烏頭半兩獨活一兩郁李根白皮四兩

右件藥搗篩為散每用五錢以緜裏川酒壹升浸一宿後煎五七沸去滓熱含冷吐無問風蟲齒痛皆驗

治齒風疼痛不止槐白皮散方

槐白皮一兩地骨皮一兩松節二兩

右件藥搗篩為散每用五錢以漿水二中盞煎五七沸去滓熱含冷吐

治齒風虫疼痛不可忍皂莢散方

皂莢半兩荆芥 胡椒各壹兩

右件藥搗篩為散每用三錢以水一大盞煎至七分去滓熱含冷吐

治齒風疼痛露蜂房散方○聖濟總錄治牙

齒不生

露蜂房

炙黃

荆芥

川椒

去目及開口地骨者微炒去汗

皮

松節

剉

青鹽

白礬灰

各壹分○總錄各壹兩

右件藥搗細羅為散每用半錢以絲裹於痛處咬之有涎即吐却

治齒風疼或蟲痛不可忍根下有孔皂莢丸

方

猪牙皂莢

叁挺去皮子

漢椒

七枚

莽草

兩

右件藥搗羅為末以棗肉和丸如芥子大

每用壹丸內虫孔中有涎即吐却

治牙齒風連面疼痛不可忍方

細辛

壹兩

白芷

壹分

芎藭

壹分

露蜂房

壹分

右件藥搗碎以水壹椀煎十餘沸去滓熱含冷吐

治齒風連面疼痛不可忍方

細辛

壹兩

黑豆

壹合

右熬豆令熟然後以好酒二大盞同煎至壹盞去滓熱含冷吐

治齒風宜露川升麻散方

川升麻壹兩白附子壹兩

右件藥搗細羅為散以生地黄汁調貼在

齒根立效

又方獨活兩一

右剉碎以水二大盞煎至壹盞去滓熱含

冷吐

又方鼠黏子合一

右件藥爛搗以水二大盞煎至壹盞去滓

熱含冷吐

治牙齒虫孔有虫諸方

夫牙齒虫者是虫蝕於牙齒而令疼痛也皆
牙齒根有孔穴虫居其内蝕一牙齒盡又度
蝕餘牙齒也

治牙齒虫孔内有虫疼痛不可忍方直指方名椒鹽散

露蜂房壹枚新者川椒五十粒鹽壹分

右件藥搗碎直指方每服二錢以醋漿水二大

蒸煎至一盞 直指方以井水葱白煎 去滓熱含冷吐

治牙齒虫孔内有虫疼痛及齿断腫痒方

肥松節 三兩 皂莢 一挺不虫者去 石塩 一分

右件藥搗篩為散每用半兩以水二大盞

煎至一盞去滓熱含冷吐

治牙齒虫孔疼痛兼有虫方

李樹根白皮 三兩 細辛 三兩 塩 半

右件藥搗篩為散每用半兩以水二大盞

煎至一盞去滓熱含冷吐

治牙齒虫蝕虫孔疼痛不能食面腫莽草散方

莽草 分 猪椒根皮 半兩

右件藥剉以漿水二中盞煎十餘沸去滓

熱含冷吐

治牙齒疼痛露蜂房散方

露蜂房 半兩 川椒 半兩 白塩 一分

右件藥搗篩為散每用五錢以醋漿水二

大盞煎十餘沸去滓熱含冷吐

治牙齒蟲蝕有虫孔莽草散方

莽草半兩山椒皮一握

右件藥搗麤羅每用三錢以酒水各半蓋煎五七沸去滓熱含冷吐

治牙齒虫痛有虫蝦蟆散方

蝦蟆端午日者一枚燒灰青黛半兩細研所柎子皮半兩乾薑半兩麝香一分薰黃半兩細研

右件藥都研令細每用絲裏可蟲孔大小內虫孔以差為度

法史 治虫痛日夜不止黎盧散方

白礬分川黃丹分建人融融分二指分研分

禁代式用法

治牙齦腫痛有虫孔

綿裹一丈內虫孔中

治牙齦腫痛有虫孔

出豆今時分分蘇蘇字蘇蘇字蘇蘇字

治牙齦腫痛有虫孔

治牙齦腫痛有虫孔

藥類七十一
卷之七十一

亦將藥封條線為蜡綿裹一牢內抽下中

治一
治一
治一

亂香
亂香
亂香

治天齒
治天齒
治天齒

治用一
治用一
治用一

亦將藥封條線為蜡綿裹一牢內抽下中

干
干
干

蒸薑
蒸薑
蒸薑

治天齒
治天齒
治天齒

右件藥同細研以軟粟米飯和丸如粟米
大曬乾凡有蛀虫孔疼痛不可忍者以一
丸於痛處咬之立定

治牙齒有虫蟲疼痛甚者韭子丸方

韭子
韭子
韭子

右件藥搗羅為末消黃蠟成汁和丸如彈

子大即以瓷瓶子內先著灰火燒一九用

紙蓋以筆管引烟出薰牙虫孔處其虫盡

出或將藥瓶於水椀中安著其虫盡下撲

類聚七十一
卷之七十一

在水中

治牙被蟲蝕有虫孔痛不可忍方

猪牙皂莢壹分 挺壹分 川椒壹分 荊草葉七片

右件藥擣羅為末以棗肉和丸如黍米粒每用一丸以絲裏內虫孔中痛定後去藥

治牙齒虫孔有蟲疼痛不可忍方

硃砂壹分 雄黃壹分 石灰壹分 妙壹分 巴豆五枚 去油神巧 蝦蟆頭萬全方無頭字

右件藥先研巴豆如麵糊次入諸藥細研

以水浸蒸餅和丸如菜豆大有虫孔者以新絲裏一粒致於虫孔中有涎即吐却其痛立止如要牙落者輕以刀子擦破牙根令血出取丸子兩粒研指在齒根下壹宿即落也

又方乳香壹分 直指方 白礬壹分 燒灰壹分

煨二錢

右件藥細研飯和丸如菜豆大每用壹丸以絲裏內虫孔中

治牙齒虫孔疼痛不可忍兼有蟲方

乾地竜壹分麝香壹分細研蠟兩

右件藥搗羅爲末化蠟和丸如梧桐子大

用壹丸安在虫孔中痛甚者便止

又方聖濟總錄治齒根右莽草總錄不持羅

爲末以絲裏內虫孔中或於痛處咬之低

頭吐津勿嚙之衛生易其疼痛便定

治牙齒被蟲蝕有虫孔疼痛方附子半兩生

右件藥搗羅爲末鍊蜜和每有疼痛時看

虫孔大小著之如有涎卽旋旋吐却

又方雄黃末一兩○神巧

右以棗瓢和用少許塞於虫孔中更以棗

瓢泥塞虫孔子以上鐵筋烙之令熱便愈

又方右以石膽細研以人乳汁和傅齒根虫

痛處日三五度傅之卽差

又方右以藜蘆爲末以松脂和丸如粟米大

每用一丸內蟲孔中立差

又方右以薰陸香少許嚼嚙津卽差衛生易簡方同

又方右取松脂捏令頭尖注蟲孔中有蟲出
即效○衛生易簡方治齩齒用松脂如錐

注孔內須臾蟲緣脂出備預百要方同

又方右以葇荳子內蚰孔中以蠟塞之立定

又方右以蜘蛛殼一枚絲裏安痛處咬之有

涎即吐却直指方蜘蛛殼一箇揉軟以薄綿包塞痰吐之

又方右以馬夜眼如米許大絲裏內蚰孔中

立差

又方右以濕生蟲一枚絲裏於蚰疼處咬之

勿令患人知立差

又方右以蜂窠帶絲裏於疼處咬之

又方右以啄木鳥舌尖絲裏於疼處咬之

治齩齩諸方

夫手陽明支脈入於齒足太陽脈入於頰偏

於齒若其經虛風氣客之結搏齒間與血氣

相乘則斷腫熱氣加之則膿出而臭侵蝕齒

斷謂之齩齒巢氏病源此下有也亦曰風齩四字

治齩齒斷腫出膿汁白礬散方

白礬一分燒灰一分蟾酥半乾蝦蟆一枚麝香半雄

黃半熊膽一分

右件藥同研令細每用半錢傅牙齒根聖濟

總錄

治齩齒疼痛蝦蟆散方

乾蝦蟆一枚炙焦○聖青黛一分細研○柑子皮

濟總錄燒灰○白雞糞一分麝香半細研○

兩細辛半去苗葉○

○總錄○乾薑半炮○薰黃一分細研○總錄○雄黃

右件藥博細羅為散同研令勻絲裏如黍米大內蟲孔中無蟲孔者以一字傅於患處有涎即吐却

又方川椒半兩白礬半兩燒○令汁盡

右件藥以水三盞煮取二盞去椒含吐之

又方葫蘆子半

右以水五升煮取三升去滓含漱吐之莖

葉亦可用神良不過二劑差

又方白附子一分使莽草一分細辛一分芎藭一分高

良薑 一分 剉

右件藥搗細羅為散以絲裹少許著齧齒
上有汁勿嚙

治齧齒方 ○聖濟總錄治牙齒風齧疼痛解
骨膈毒氣牛膝散方

牛膝 一兩 燒為灰

右細研為末以少許著齒間含之

治齧齒痛有虫孔方雄雀糞

右以絲裹塞於虫孔中日一易之 衛生易簡方一

次二

治齧齒虫腐方棘針 參兩 朽爛者

右搗碎每用半兩以水二大盞煎至壹盞
去滓熱含冷吐

又方右取郁李根壹握切以水壹大盞煎至
六分去滓熱含之當吐出虫長六七分皆

黑頭虫出即差 聖濟總錄同 ○衛生易簡方治

風蛀齧齒用郁李根白皮水煮濃汁含之
冷即易吐出虫 備預有要方同

治齒蠶諸方

夫齒蠶者由人飲食甘肥不能揩理宿食在於齒根腐臭之氣淹漬於齒也而又藏腑滯滯上膈積熱久而不散毒氣熏蒸則令齒根宜露壞爛蟲蝕疼痛故謂之齒蠶也

治齒蠶薔薇根膏方

薔薇根二兩地骨皮一兩葱根一兩胡粉一兩蠟一分
右件藥前三味都剉以水二大盞煎至半盞以重抄紙半張浸之曝乾更浸汁盡為

度乾了以粉蠟塗之於上剪作條子夜附貼之神效

治齒蠶齒根腐爛細辛散方

細辛二兩川升麻二兩地骨皮二兩角蒿二兩牛膝二兩
參兩生地黄五兩

右件藥都燒為灰細研每夜臨卧傅齒根或以蠟紙上貼之至旦即去之

治齒蠶日夜疼痛不止青黛散方

青黛一兩柑子皮一兩乾蝦蟆一枚
五月五日者燒灰

類聚卷七十一
齒
類聚卷七十一

右件藥搗細羅為散以生地黃汁調貼斷
上日二換之

治齒齲燂烙方

梟黃細研猪脂一兩槐枝五莖

右煎猪脂入梟黃末及熱以絲裏槐枝點
取藥熨烙齒齲縫上

治齒斷疔齲方蘆會末

右以少許鹽同研勻搽齒或夜卧時用少
許傅之良○衛生易簡方治牙虫用蘆會

末先以鹽搽齒令淨然後傅少末於上

治齒齲宣露宜用此方

角蒿灰一兩胡桐律一兩麝香一錢

右件藥都細研令勻夜後傅於齒根令滿
來日早以鹽湯漱口

治齒齲搽齒藥方

硫黃一分白礬一兩

右件藥相和銚子中熬令黃煙盡研為末
每日未洗面先捻少許搽齒含著洗面畢

類聚卷七十一
齒

類聚 卷之二十一 二十九

卽漱口 神巧萬全方同

又方猪牙皂莢 一兩 麝香 壹錢 燒灰 細研

右件藥相和細研將用指齒夜卧時卽貼於斷上

治齒齲作孔有蟲疼痛 芎藭子散方

芎藭子 壹分 海夫 壹分 細辛 壹分 鯽魚 壹分 黃

連 壹分 人糞灰 壹兩 乾蝦蟆 半兩 石膽 半兩 川

草 半兩 麝香 細研

右件藥搗羅爲散每取少許以絲裏內

孔中日三度換之卽差

治齒齲葶藶煎方

苦葶藶末 一分 地龍末 一分 麝香 半錢 臘月猪

脂 叁兩

右件藥先煎猪脂令化去滓次入諸藥煎十餘沸於瓷合中盛以柳枝點藥於火上炙令熱烙牙齒縫中十餘度日三五遍如此烙之卽差

治齒齲斷腫有膿血出白礬散方

類聚 卷之二十一 二十九

白礬灰 杏人二七枚湯浸去皮尖研 蚌蛇膽錢一

右件藥細研先以生布揩齒斷令血出啣令血盡卽用散藥摻於濕紙上可患處貼之日三兩上以差爲度

治齒齲鼻黃煎方

鼻黃煎半兩猪脂二兩臘月者

右件藥先煎猪脂去滓入鼻黃末以絲裹槐枝點取熱藥熨烙齒斷縫中十餘度卽差

治齒齲生瘡硫黃烙方

右以硫黃一分以舊鐵鐮頭一枚於炭火中燒令赤捻硫黃著上更入少許猪脂相和熬令沸以柳枝子絲裹頭搵藥承熱烙齒縫三五徧卽愈

治齒齲并有蟲方右取蝸牛殼三十枚燒灰細研每用揩齒卽差

治齒齲方苦參參兩

右件藥以水三中盞煎至一盞去滓熱含

冷吐

治牙齒風疔諸方

夫風疔者由臟腑壅滯久積風熱脾肺不利
心胃痰飲邪毒之氣衝注上膻熏蒸牙齒則
令齒斷浮腫動搖脫落損爛膿血俱出蟲蝕
齒根口內常臭面色青黃唇頰腫痛者則是
風疔之候也

治牙齒風疔疼痛頰腫膿腐口鼻方

附子半兩炮裂去皮臍 莽草半兩 當歸半兩 獨活半兩 芎

藟半兩 防風半兩 細辛半兩 李樹根皮半兩

椒一百粒

右件藥細剉和勻每用半兩以水二大盞
煎至一盞去滓熱含冷吐

治牙齒風疔疼痛不止宜用此方

李樹根白皮二兩 柳枝二兩 川椒去目 棠梨枝一兩 郁李人一兩 槐枝一兩

右件藥細剉和勻分為八度每度用水三
碗煎成一碗去滓熱含冷吐

治齒風疔根與肉離疼痛喫食不得方

枸杞根參東引槐枝兩東引柳枝兩黑豆

半升炒熟和皮使

右件藥細剉入於銅鑪中微火炒令黃下

炒了黑豆相和以水三大盞煎十餘沸後

入酒壹升更煎一兩沸濾取汁熱含冷吐

治牙齒風疔斷爛齒痛雄黃散方水二八

雄黃壹分麝香壹分熊膽壹分天雄壹分生

細辛壹分當歸壹分附子壹分乾薑壹分苦

參壹分生乾地黄壹分蘆會壹分甘草壹分

右件藥擣細羅為散同研令勻以絲裏壹

錢安於齒根含之有汁勿嚥

治牙齒風疔及有虫孔疼痛不止宜用此方

藜蘆一分去川椒半兩附子半分麝香

半兩雄黃半兩

右件藥擣細羅為散傅於斷上若有虫孔

疼痛即絲裏內於孔上

治牙齒風疔及一切疔蟲朱砂散方

朱砂半兩雄黃半兩乾薑一分晚蠶子

紙張一葇荖子一兩黑荑一分甘草半兩蜘蛛七枚

麝香兩猪脂如雞子大麻人脂二犁鏵上

鐵皮半兩

右件藥除時油外搗羅為末後用猪脂油等和勻旋取塗於瘡上一宿即差一日不得食醋又有內疳者夜含半棗大細細嚙之

治牙齒風疳齒及斷朽爛欲盡根出有蟲疼

痛不可忍青黛散方

青黛兩細辛半兩棘針半兩當歸兩香附子

兩半菖蒲一分木香兩乾薑一分胡桐律一分青

箱子兩麝香一分

右件藥搗細羅為散每用半錢以絲裏含日四五度夜二度此無毒兼宜以溫水調壹錢服

治牙齒風疳血出疼痛牙齒浮虛揩齒散方

細辛兩白蔞兩露蜂房兩川升

麻兩半槐柳枝如筋麓香長二寸各黃蘗兩半
到白礬半兩一半燒研令盡

右件藥搗細羅為散研令勻用瓷合盛使
時先以熱塩水漱口三五度後一如揩齒
藥用之揩斷上微覺痛即止有津即吐之

治牙齒風疳骨槽風及口氣砒霜散方

砒霜錢一麝香錢半川升麻末錢半訶梨勒皮錢半
末乾蝦蟆灰半

右件藥細研以皂莢五挺水浸按取汁熬

成膏調散子塗於紙上剪作片子貼之吐
下惡涎立效

治牙齒風疳齒斷宣露穀精草散方

穀精草一分燒灰一分白礬一分蟾酥一片麝香少許

右件藥同細研為散每取少許傅於患處

治牙齒風疳膿血出牙根有蟲鶴蝨散方

鶴蝨兩半細辛半兩○聖濟露蜂房半兩燒
錄一枚膩粉一分○總錄去苗葉露蜂房半兩燒
燒灰研膩粉錄一分○總錄麝香一分細研○

不伴藥搗羅為散入研了藥令勻臨臥時

以濕帛上搽藥半錢可患處貼之

又方乾蟾一枚燒灰胡桃十枚燒灰砒霜一分蕎麥麵合

燒灰

右件藥同研令細每用一字於患處搽

又方皂莢去黑皮塗酥炙為末每用半錢傅

患處入少麝香亦得

又方右以蚌蛇膽傅之效

又方右以砒黃三錢川漿水三大盞於石鍋

內煎如稀餲入墨汁三合滴攪勻攤向好

紙上淨漱口夜後剪作片子貼之

治牙齒急疔諸方

夫急疔者由風熱蘊積脾肺壅滯邪毒之氣衝注口齒遂成疔也其候唇口忽變青腫滿膿血俱出朽爛疼痛唇頰邊有赤白色或有黑脉卽須針却惡血不然烙之若不早療死於旬日故名急疔也

治急疔蝕齒斷唇口壞爛腫痛黃礬散方

黃礬兩青礬兩白礬兩白狗糞灰兩

石膽

壹分 細研

莽草

兩半

葇若子

一分 炒

雄黃

兩半

細研 乾地龍

壹分 微炒

麝香

壹錢 細研

人糞灰

壹分

壹分

壹分

右件藥搗羅為末都研令勻先以搥漿水漱口三兩度於上貼之日三用者涎勿嚥

治急疔唇口赤瘡出者用石膽散方

石膽

兩半

鯽魚

一枚 長叁寸者 開肚 滿填鹽 燒魚 焦

雄黃

壹分

壹分

壹分

右件藥都研如麵先以泔湯洗口及瘡上用散貼之每日三五上夜後漱口復貼之其瘡便差

治急疔齒斷腫痛有蟲齒根朽爛疼痛宜用

蝦蟆灰散方

蝦蟆灰

壹分 細研

青黛

壹分 細研

柑子皮

壹分 細研

細辛

壹分

白雞糞

壹分 細研

麝香

壹分 細研

乾薑

壹分

薰陸香

壹分

右件藥搗羅為末都研令勻以綿裹如杏人大安於腫痛處日三換之神效有涎旋旋吐却

治急疔齒根唇頰膠上瘡出漸多宜用雄黃散方

雄黃 壹分 石膽 兩半 亂髮 半兩 人糞灰 壹分 麝香

壹錢 鯽魚 叁寸魚肚內 滿著鹽燒灰

右件藥都細研為散先用掠湯漱三五口

後於瘡上貼之有涎即旋吐却

治急疔蟲蝕牙齒連牙牀骨損壞疼痛地龍

散方

乾地龍 燒灰 黃礬 白礬 燒令汁盡 青礬 巴豆

去皮心研紙裹壓去油 石膽 人糞灰 細研已上名壹分

右件藥都細研為散以綿裹少許內於虫

孔中如孔子小以針內藥一日一度換之
待惡物碎骨出盡為度

治急疔口中及齒斷腫并口鼻有瘡麝香散

方

麝香 壹分 雄黃 壹分 人乳 壹合 白礬 半兩 燒

石膽 蓮子大 川升麻 壹分

右件藥都研令勻以絲裹如杏人大含之

如有腫爛處塗之

治急疔蟲蝕牙齒徹骨碎宜用青絲散方

類聚卷之二十一

十一

青礬壹分黃礬壹分石膽壹分乾地竜壹分燒灰

右件藥都研為末以絲裏內在虫孔中每日一度換得惡血及碎骨出盡為度

治牙齒急疔蝕頰骨疼痛不可忍宜用青黛

散方

青黛二兩雄黃壹兩青礬壹兩黃礬壹兩白礬壹兩

芫荽子壹兩附子壹兩苦參壹兩

甘草壹兩細辛壹兩藜蘆壹兩麝香壹分

右件藥擣羅為末都入乳鉢內研令勻每

取一小豆許點於齒疔上有汁勿嚙

治牙齒急疔出膿血不止角蒿散方○聖濟

物錄治齒痛宜露血出不止

角蒿半兩細辛半兩川升麻半兩地骨皮半兩

一分○總錄去土牛膝壹分

右件藥內燒錄此下有藏研擣細羅為散每

用半錢錢總錄壹分摻於濕紙片上貼之以差

為度

治牙齒急疔疼痛齒斷生瘡石膽散方

類聚卷之二十一

十一

石膽三分雄黃一分亂髮灰一分人糞灰一分鯽

魚壹枚長三寸者開腹內鹽燒為灰

右件藥搗細羅為散先以甘草湯洗瘡後

即傅此藥半錢於瘡上日三四度有涎即

吐却

治走馬疳蝕落牙齒斷腫有膿水宜用藥絲

方

麝香壹錢砒霜少許莽草末半錢蛤蚧壹兩蟾酥壹字

螺子青黛壹字

右件藥都研為末別用故絲半分剪長壹

寸碎擘以藥摻在絲內時入水少許相和

揉令勻陰乾有患者先用鹽漿水指漱三

五度用少許藥絲塞在牙根以針按絲子

入齒縫中三兩度即差

治牙齒走馬疳乾蟾散方

乾蟾壹枚龍栢花壹分地骨皮壹分沒藥壹分麝

香錢

右件藥搗細羅為散每有口齒疳瘡蝕破

者先以消石少許摻之相次以此藥半錢
傅於患處日三兩度

治急疔三礬散方

青礬半兩黃礬半兩白礬壹分麝香壹錢

右件藥同細研如粉每用半錢傅於瘡上
有涎卽叶却

又方牛膝燒灰石膽麝香各壹分

右件藥同研如粉臨臥時先漱口後摻藥
於牙縫上不過三兩上效

又方天靈蓋一分羊薺花壹分乾者

右件藥同研令細先以絲拭去膿水然後
以散摻之以差爲度

又方右用砒霜半兩以醋調稀如糊於茶椀
子內慢火熬攪令不著底待醋乾卽刮下
每用如粟米大用絲裹安齒縫內來日取
出有蟲自死久患者不過三上

治齒漏疔諸方
夫手陽明支脈入於齒風邪客於經脈流滯

齒根腫膿汁出愈而更發謂之齒漏疔也

治齒漏疔膿血出齒斷宜露氣是不能飲食

棘刺散方

棘刺半兩燒兩當歸一兩青箱子三乾薑一兩炮

苜蒲一兩香附子雞舌香附細辛兩川升

麻一兩

右件藥得細羅為散每川半錢以絲裹於

患處咬之嚙津以差為度

治齒漏疔斷上生瘡腫痛胡桐淚散方

胡桐淚壹兩燒兩石膽壹兩細研黃礬壹兩燒兩盧

會一兩細研光明砂半兩麝香壹分細研川升麻壹兩

細辛叁分乳髮灰壹分乳神乃萬當歸半兩牛

膝半兩芎藭半兩

右件藥得細羅為散入研了藥更研令勻

每用先以甘草湯洗漱令淨後用藥傅之

有涎即止却日三度即差

治齒漏疔出膿水不止青黛散方

青黛兩蝦蟆一枚燒灰胡桐淚半兩麝香一分胡黃

連半兩蘆會半兩

右件藥於乳鉢內同研為散每用半錢傅

於患處是齋醫方同

治齒漏疳蟲蝕齒斷鼻爛麝香散方

麝香壹分蘆會半分青礬一分黃礬一分白礬一分

一分蝦蟆灰一分

右件藥同於乳鉢內細研為散先以絲拭

斷上惡血出即用濕紙片子搽藥貼是齋醫方

同○是齊方右二方下云富次律有女年

數歲齒上忽生一黑點後數日齧爛成走

馬疳用前方即愈自後屢有奇効

治齒漏疳宣露及骨槽風膿血出不止丁香

散方

丁香一分生地黃五兩以竹刀子切於銅器內炒令黑色乾蝦

蟆一分黃芩子半兩麝香壹錢細研

右件藥搗細羅為散每至夜間用濕紙片

子上搽藥可齒斷患處大小貼之有涎即

吐以差為度

治齒漏疳銅青散方

銅青末兩穀精草末兩砒霜半錢馬齒莧灰

兩

右件藥都於乳鉢內研令細臨卧時先以熱漿水漱口三五度後以手指取藥少許指於齒斷上便合口候良久滿口津即吐之依前漱三五度又指藥每日夜五三度用之以差為度

治齒漏疳蟲蝕齒疼痛出膿水不絕塩綠散

方

塩綠壹分麝香壹分黃連壹分石膽壹錢

右件藥同於乳鉢內細研為散每用一字摻於濕紙片子上貼之日三兩度不過十日即差忽患口瘡者絲裏半錢含

治齒漏疳宜露膿血出鯽魚散方

大鯽魚一枚砒霜一分乾地黄末兩

右件藥先割破鯽魚腹去腸入砒霜及地黄末以紙裹魚入火燒絕烟取出去其紙

灰更入白礬灰麝香少許細研爲散每用半錢摻濕紙片子上貼患處

治牙齒歷蠹諸方

夫牙齒者是骨之所養也手陽明足太陽之脉皆入於齒風冷乘之其經脉虛則髓骨血損不能榮潤於牙齒故令齒黯黑歷蠹也

治牙齒歷蠹齒根黯黑獨活丸方

獨活兩防風一兩去蘆頭芎藭兩細辛兩當歸兩沉香兩雞舌香兩零陵香兩生乾地黄兩

一兩川升麻兩甘草半兩炙微赤剉

右件藥搗羅爲末以化了蠟和丸如豇豆

大繇裏常含一丸嚙津

治牙齒歷蠹黯黑皂莢散方

皂莢一挺去皮赤色川升麻一分白礬一分槐白皮兩甘松香一分細辛一分洗去土堁花兩

右件藥搗細羅爲散以盥揩齒後用散半錢勻傅之以差爲度

治牙齒歷蠹穀精草散方

穀精草壹兩 燒灰 馬齒莧半兩 乾者 甜瓜蔓苗半兩 川

升麻半兩 白礬一分 乾漆壹分 猪牙皂壹兩 焚乾

蝦蟆叁兩 燒灰

右件藥搗細羅為散更入鉢細研令勻每用半錢傅於患處有涎即吐却日三度用之

治牙齒歷蠹色黑宜用黃丹散方

黃丹半兩 白礬兩 川升麻壹分 細辛壹分 麝

香壹錢 細研

右件藥先研白礬黃丹令細於生鐵銚子

內炒如火色取出於地上用紙一重襯以

物蓋之出火毒一宿後入川升麻等三味

同細研為散每用半錢搽於患處效

治牙齒歷蠹齒根黯黑川升麻搽齒散方

川升麻半兩 附子壹分 蜜壹分 隨僧壹分 露蜂房

壹槐枝兩 灰半兩

右件藥搗羅為末別入地黃汁壹合拌令勻每用搽齒神效

類聚

卷

又方胡桐淚

壹兩

朱砂

半兩

麝香

壹分

右件藥於乳鉢內同研為末每用指齒不

過三五度光白

又方硫黃

壹分 白礬

壹分

右件藥相和於銚子中熬令出煙盡為度

細研為散每日早晨及夜臥時點少許揩

齒有涎即吐却後以煖水漱口以差為度

又方右燒腐棘取藝塗之十徧後以雄黃末

貼之即愈

又方

備預白要方

右以松節燒灰指之神效

治齒黃黑諸方

夫齒者骨之所終髓之所養若腎氣虛風邪
冷氣客於經絡髓虛血弱不能榮養故骨枯
燥無潤澤令齒黃黑也

治齒黃黑枯燥無光澤地骨皮散方

地骨皮

壹兩

郁李人

壹兩湯浸去 生乾地黄

壹兩

川升麻

半兩

藁本

半兩 露蜂房

湯浸去皮尖雙

人麩炒微黃

類聚

卷七

右件藥搗細羅為散每用一錢以絲裏常含嚙津

治齒黃黑龍花藥散方

竜花藥二兩出安南者川升麻一兩郁李根一兩切生

乾地黄一兩地骨皮一兩白茯苓一兩細辛半兩龍

腦半錢麝香半錢杏仁一兩湯浸去皮尖

右件藥搗細羅為散入研了藥令勻每欲

貼時先以柳枝淨揩齒以新汲水漱口更

以棉花於齒斷內外揩之有涎即吐却不

之要漱其便取白薄紙剪作片子闊如薤葉

斷以水蘸紙搽藥末少許貼齒斷上便閉口

夫勿語有藥汁嚙之齒以水潤之細又斷

治齒黃黑令白淨揩齒朱砂散方

朱砂一兩細研海蛤二兩細研石膏二兩寒水石二兩細

又辛二兩川升麻二兩芎藭二兩防風二兩去檳榔

右件藥搗細羅為散都研令勻每日早晨夜

臨臥時先以暖水漱口三五度用藥揩齒

臨臥時先以暖水漱口三五度用藥揩齒

或以薄紙貼藥於齦上便睡不用漱

又方梳四兩杏仁一兩湯浸去皮日早煮食

右件藥都研成膏每用揩齒甚佳

又方石取桑根白皮擘作片如指大以醋

浸三日常用兩頭揩齒甚效寒小不痛脈

治牙齒動搖諸方

夫手陽明支脈入於齒足太陽之脈又徧於齒為骨之所終髓之所養若經脈虛風邪乘之血氣損少不能榮潤故令動搖也

治齒根出露搖動疼痛宜含柳枝湯方○聖

濟總錄治牙齒風齩隱痛動搖齒斷宣露

柳枝壹握地骨皮壹兩細辛一兩防風壹兩去

杏仁壹兩湯浸去皮鹽半兩○御藥牛地黃

方壹升切○院蔓荊子壹兩

右件藥都細剉和勻每用一兩以水一大

盞酒一盞總錄水大一同煎至一盞去滓

熱含就於患處良久倦即吐之含盡為度

日二盡此一劑永差

治風衝牙齒搖動方

李根白皮四蒼耳子叁

右件藥搗碎分為五度用每度用水五大
蒸煎至一盞去滓熱含冷吐兩以水一大

治牙齒動搖疼痛芎藭散方

芎藭二細辛兩壹防風壹蘆頭一薏苡人二地

骨皮壹柳枝兩

右件藥擣節為散每用半兩以水二大盞
煎至一盞去滓熱含冷吐

治牙齒動搖疼痛齒斷宣露咬物不得宜用
此方

細辛二柳枝皮四

右件藥細切於鑊中炒令黃內大豆一升
和柳皮更炒候爆聲絕於瓷器中盛用好
酒五升浸經一宿煖一大盞熱含冷吐以
差為度

治齒風動搖捍齒牢牙方

臘月猪脂二朱砂壹青礬壹綠礬壹白

類聚七十二
九十九

礬壹兩燒馬牙消壹兩防風壹兩去細辛壹兩

蠟二兩松脂二兩黃耆二兩當歸兩麻油兩

右件藥搗羅為末先煎油令沸次下猪脂

及蠟次下藥末煎三上三下止每夜臥時

厚貼於患處

治牙齒動搖喫食不穩地骨皮散方

地骨皮壹兩當歸半兩升麻半兩寒水石半兩

心半兩芎藭半兩黃蘗壹兩沉香壹兩麝香壹分

右件藥搗羅為末用貼齒根重者以絲裹

含如彈子大日二三丸

治牙齒疼痛搖動欲落疳蟲膿血臭氣黑惡

不能食細辛散方

細辛壹兩莽草壹兩曲頭棘針壹兩墻衣壹兩

塩花兩喬麥麵兩

右件藥搗羅為末以醎醋和喬麥麵裹上

件藥以炭火燒令赤又以醋淋更燒如此

三徧止研令極細每日將用指齒如根動

搖搯不得者即以絲裹貼齒根上嚙津無

類聚七十二
九十九

妨用十日後齒牢患十年者皆効

治牙齒風毒動搖宜用牢牙駐齒五靈膏方

五靈脂半兩松脂兩黃蠟壹兩黃丹壹分蟾酥許少

右件藥同於堯器中以慢火煎成膏用白熟絹上攤候冷剪作片子每夜貼於斷上

吐嚙無妨

治牙齒根動搖宜露生肌胡桐淚散方

胡桐淚壹兩波斯藍綠壹分石膽半兩丁香壹兩生

乾地黃二兩

右件藥搗細羅為散每取一字塗傅齒根

下神效

治牙齒挺出諸方

夫手陽明支脉入於齒頭面有風冷傳入其

脉令齒間津液化為膿汁血氣虛竭不能榮

於齒故齒根露而挺出也

治齒根宣露挺出皆由風熱所為宜服郁李

根皮丸方

郁李根白皮二兩熟乾地黃二兩防風壹兩去

獨活

壹兩 青箱子 兩

右件藥搗羅為末鍊蜜和丸如梧桐子大

每於食後以粥飲下三十丸

治牙齒宣露挺出皆由風熱毒氣所為疼痛

不可忍宜用此方

蔓荆子

兩

桑寄生

兩

郁李根白皮

壹兩

乾地黄

兩

防風

二兩 去蘆頭

獨活

壹兩

青箱子

當歸

兩

右件藥搗羅羅為散每用半兩以水二大

盞入鹽一錢煎至壹盞去滓熱含冷吐日

二用之

治牙齒斷宣露膿血口鼻枸杞根散方

枸杞根

兩

槐白皮

兩

胡桐淚

兩

細辛

椒

一分 去目及閉口者微炒去汗

右件藥搗篩為散每用半兩以水二大

煎至壹盞去滓熱含冷吐

治牙齒宣露挺出齒斷腫痒當歸散方

當歸

兩

細辛

兩

防風

一分 去蘆頭

藁本

壹分 川升

麻半兩白楊枝壹兩莽草壹分芎藭壹分

右件藥搗篩為散每用五錢以水一大盞煎至七分去滓熱含冷吐

治牙齒根宣露挺出皆是積熱風毒所為蔓

荆子散方

蔓荆子兩生乾地黃壹兩郁李根皮二兩地骨

皮兩角蒿壹兩

右件藥搗麤羅為散每用半兩以水二大

盞煎至一盞去滓熱含冷吐

治牙齒根宣露挺出膿血口氣方

枸杞根壹升胡桐淚一兩

右件藥和勻分為五度用每度以水二大

盞煎至壹盞去滓熱含冷吐

治牙齒宣露齒根挺出疼痛疔蠶藜蘆散方

藜蘆半兩細辛半兩莽草半兩青鹽一兩生地

黃壹兩牛膝壹兩曲頭棘針九枚

右件藥搗羅為末川喬麪浚作餅子可藥末裹之燒令通赤於醋中略焯過漉出後

曝乾研為細散每用以紙片子可牙齒患處大小水中蘸過搽藥末貼之有涎即吐却後用熱水漱口日三度用之

治牙齒根宣露挺出爛肉黑血不止疼痛搖動臭氣欲脫落龍齒散方

龍齒二兩黃礬二兩白石脂二兩桂心壹分芎藭半兩

皂莢刺一兩剉微炒

右件藥搗羅為末不津器中盛之每食後用少許貼之甚效有津勿嚥

治牙齒宣露齒根挺出時出膿血不止地黃膏方

膏方

生地黄一斤取汁胡桐淚半兩麝香一分白礬半兩燒細研灰細研

右件藥先於銀器中煎地黄汁欲凝下諸藥攪勿住手膏成於堯合內盛每用少許

塗齒根下

治牙齒挺出齒斷宣露痒痛不止方

牛膝一兩細辛半兩

右件藥搗羅為散以化了蠟和丸如蓮子
大以繇裏一九於痛處咬之

治牙齒宜露挺出方生地黄一斤木臼搗碎
入鹽二合和之上用白麵裹可厚半寸已
來於糖火中燒斷煙始成去焦麩入麝香
一分備預百要方少許同研為末每用少許貼於

齒根上

又方乾地龍壹分麝香半錢

右件藥同研令勻每取一字摻於齒根

治齒斷腫痛諸方

夫手陽明支脉入於齒若頭面有風風氣流
入於陽明之脉與斷間血氣相搏故成腫也
治齒斷疼腫白楊皮散方

白楊皮壹握地骨皮兩蒼耳子一細辛兩川
椒口者炒去目及閉生地黄壹兩杏仁一分
湯浸人皮

右件藥搗篩為散每用半兩以水二大盞
煎至一盞去滓熱含冷吐

治齒斷腫痛不可忍川椒散方

川椒參十粒去日及閉莽草兩半細辛兩半菖

蒲兩半牛膝兩半枳殼根皮兩半

右件藥搗篩為散每用半兩以水二大盞

煎至壹盞去滓熱含冷吐

治骨槽疼痛斷腫齒踈胡桐淚散方

胡桐淚壹兩槐樹根五兩白薔薇根五兩垂柳梢

五兩李樹根全方各叁兩

右件藥搗麤羅為散每用半兩以水二大

盞煎至壹盞去滓熱含冷吐

治齒斷疼痛腫痒宣露松節散方

肥松節一兩細辛兩半胡桐淚兩蜀椒一分

及開口者微炒去汗

右件藥搗碎分為五度用每度以酒二盞

煎十餘沸去滓熱含冷吐餘者再煎含之

治齒斷風連頰腫痛槐白皮散方

槐白皮二兩枸杞根兩附子一兩防風一兩

芎藭一兩川椒一兩白粒去目及閉

右件藥搗篩為散每用三錢以水壹大盞煎至七分去滓熱含冷吐

治齒斷風腫去齒根下熱毒柳豆散方

赤小豆二合炒熟黑豆二合炒熟○御柳枝壹握

地骨皮兩柳蠹未合

右件藥搗篩為散每用四錢以水壹大盞煎至七分去滓熱含冷吐

治齒斷腫痛宣露郁李根散方

郁李根兩一川椒一分柳枝二兩槐枝二兩莧

荇子半兩薔薇根二兩

右件藥搗篩為散每用四錢以水三大盞煎至七分去滓熱含冷吐

治齒斷腫連耳腦腫痛柳枝湯方

垂柳枝 槐白皮 桑白皮 白楊皮各一握

右件藥細剉每用半兩以水一大盞煎至七分去滓入鹽一錢攪令勻熱含冷吐

治齒斷連頷腫疼頻發動無時細辛散方

藥譜

卷之

細辛半兩露蜂房半兩槐枝二兩搥花一兩

右件藥搥篩為散每用五錢以水壹大盞

煎至七分去滓熱含冷吐

又方莽草二兩獨活二兩

右件藥細剉分為五度每用水二大盞煎

至壹盞去滓熱含冷吐

又方細辛兩芎藭二兩附子一兩炮裂去皮臍

右件藥搥篩為散每用壹兩以水二大盞

煎至壹盞去滓熱含冷吐

治熱毒風攻頭面齒斷腫痛不可忍生地黄散方

生地黄汁五合當歸壹分白芷壹分細辛一分搥花壹分

分

右件藥搥細羅為散相和令勻於銀器中都煎成膏臨時以藥於牙斷上厚塗有津即嚥之日三夜二用

又方牛蒡根一斤熟搥絞取汁入搥花一錢於銀器中熬成膏每用塗齒根下重者不

藥譜

卷之

過三五度差備預百要方同

又方右取露蜂房稍大者一枚每孔中著椒一顆及塩少許卽以手按令相入以淡漿水一大椀煎至強半去滓熱含冷叶甚妙

治斷間血出諸方

夫手陽明支脉入於齒頭面間有風而陽明脉虛風挾熱乘虛入於齒斷搏於血故血出也

治牙齒縫忽然出血當歸散方

當歸半兩桂心半兩白礬一兩燒甘草半兩

右件藥都擣籠羅分爲三度用每度以漿水二大盞煎至壹盞去滓熱含冷吐

治齒斷血出地黃湯方

生地黃二兩切柳枝合制黑豆二合聖濟

合炒香熟

右件藥將豆及柳枝炒令焦以無灰酒二

蒸總錄沃之卽下地黃更煎五六沸去滓

熱含冷吐以差爲度

治齒斷間血出喫食不得黃連散方

黃連青兩白龍骨兩一白礬分一馬牙消兩一龍腦

錢一

右件藥持細羅為散研入竜腦令勻每用半錢傅齒根下

治齒根血出白礬散方

白礬叁分蚬蛇膽錢一

右件藥細研為散先以布揩齒令血盡每用半錢以濕紙上摻藥可患處貼之

治齒斷血出不止方

乾地龍末壹錢白礬灰壹錢麝香末半錢

右件藥同研令勻於濕布上塗藥貼於患處

治齒斷血出不止竜骨散方

白竜骨壹兩生乾地黄壹兩乾薑半兩炮曲頭

棘針壹分白礬壹分

右件藥搗羅為末每用半錢指傅齒斷下即差

治齒縫忽然血出不止方胡桐淚兩半

右件藥研羅為末用貼齒縫如血出不定

再貼神效

治無故口齒間血出不止方右以竹葉錄淡

竹葉濃煎湯熱含冷吐

治齒浮動斷腫出血方右以屋下塵煤細羅

為散搽傅齒根下

又方右以白礬壹兩燒研為末每用半錢傅

齒根下瑣碎錄同

又方右燒銅筋烙血出處以白礬灰傅之

治牙齒脫落牢牙諸方

夫牙齒脫落者由腎氣虛弱骨髓枯竭不能榮潤也而又風邪之氣搏於經絡上注於齒間故令動搖而脫落也

治牙齒非時脫落令牢定銅末散方

熟銅末壹兩當歸壹分地骨皮壹分御藥細

辛一分防風壹分去蘆頭

右件藥持羅為末和銅末同研如粉以封

類聚七十
百三

齒口夜三度院方二三五日後牢定一月

內不得咬著硬物院方又云封齒是先塗藥在患處用蠟紙封之

治疳齒蟲蝕不覺片片自落齒痒痛搥綠散

方

搥綠分一黃連分一麝香細研分石膽分半

右件藥都研為散懸裏當齒痛處咬之

治牙齒動搖終不牢固者宜用出牙烏頭散

方

川烏頭分一巴豆一七枚去皮大鵬砂字一桐砂字一

大蜘蛛一枚乾膩粉半錢神巧兩

右件藥搗細羅為散研入巴豆令勻每用

少許著牙根一食間牙即自出

治牢牙止痛胡桐淚散方

胡桐淚分壹細辛分半獨活分半川升麻分一白礬

灰分壹麝香細研分半當歸分半附子去皮分炮裂白

芷分半

右件藥搗細羅為散夜臨臥時先揩齒漱

口令淨川少許貼之

類聚七十
百三

治牙齒脫落牢牙散方

顛塩

半兩 白礬

半兩

右都炒令乾為末每以槐枝點藥傅齒上有涎即吐之

治牙齒動搖欲牢牙散方

五倍子

半兩 乾地龍

半兩

右件藥搗維為末先川生薑揩牙根後以藥末傅之

治牙齒動搖却令堅固貼齒方

備預白要方
牙齒宜露提

出右以皂莢不限多少燒為灰 聖濟總錄

方 研令細然後以生地黄汁浸團如雞子又

燒令通赤候冷搗羅為末又以地黄汁浸

又燒如此三遍入乳鉢中研令細每用濕

紙片子摻藥貼齒神效

治齒痛及落方石膽

壹分

右以人乳汁研如膏後淨漱口傅藥當便覺差凡治齒先須除却食床用針刺盡黑血然後塗雄黃末入齒縫中細看之齒根

下若虛軟即以十針熱通齒根下若痛即
出却惡物然後傅膏膏乃行也少季即易

治老者難痊

治牙齒動搖不穩須出牙神驗方右取馬齒

菜麤天者燒作灰研為末入少砒霜同研

令勻每用少許著齒根下問患人覺熱即

令輕漱使動以手拈出後傅止血藥神效

神巧萬全方同

治牙齒不生諸方

夫牙齒皆是骨之所終髓之所養手陽明足
太陽之脉並入於齒若血氣充實則骨髓強
盛其齒損落猶能更生若虛弱者血氣衰耗
風冷乘之致令齒或齲或蟲落者不能復生
也

治牙齒久不生十數季未出者貼此藥無不

便生方 聖濟總錄
名雄雌散

雌雞糞 壹分頭
圓者是 雄雞糞 壹分頭
總錄各十四頭

右同細研 總錄焙乾同
粉入麝香少許 如於齒不生處

先以針刺破令血出貼藥於上老人二十日少者十日當出備須百要方同總錄又云不拘傷損及自墮落者皆生

治牙齒不生方牛糞中黑豆備須百要方無黑字燒為

灰細研

右先以針刺齒不生處令血出即以灰塗

之神效神乃萬全方同

又方雄鼠糞叁七枚麝香半錢

右件藥合研令細用之揩齒勿食酸鹹物

効神藥時時難得此方一試以雞糞常

又方右取路傍遺却稻粒於齒落處點二七

下其齒自生神巧萬全方同

治齦齒諸方川芎 蘇合 蘇木 香

夫斷齒者是睡中而齒相切也皆由血氣虛

風邪客於牙車筋脉之間故因喘息而風邪

動引其筋脉故上下齒相切也巢氏病源上

有聲謂之齦齒

治睡中齦齒宜服羌活散方

羌活一兩地骨皮壹兩防風壹兩去壹兩酸棗人兩

蔓荆子兩杏仁一兩湯浸去皮尖生地黄兩

右件藥都搗篩為散每用半兩以水壹大

盞酒一盞同煎至一盞去滓食後溫服

治風邪客於牙車睡中齟齒升麻煎方

川升麻壹兩當歸半兩防風半兩去壹兩藁本半兩杏

人壹分湯浸去皮尖酸棗人一分細辛壹分

芎藭壹分右件藥搗細羅為散每用一錢以繇裏常

含嚙津神巧萬

治睡中齟齒方右密取患人臥薦下塵一捻

內口中勿令知之即差神巧萬

措齒令白淨諸方

措齒令白淨朱砂散方

朱砂一兩丁香皮一兩藿香一兩茱萸一兩香附

子一兩甘松一兩白芷一兩川升麻一兩黃丹一兩白

檀香半兩猪牙皂莢二兩石膏四兩寒水石半

零陵香兩

類聚七十二

右件藥搗細羅爲散都研令勻每日常用
揩齒甚佳

指齒令白淨七寶散方

海蛤 琥珀 真珠 白石英 馬瑙

光明砂 各一分 麝香 一分

右件藥搗羅爲散於乳鉢內重研令細每

日取柳枝打碎一頭點藥揩齒甚良 聖濟總錄

此下云及
燕津無礙

揩齒龍腦散方

龍腦 壹分 寒水石 壹兩 聖濟 搥花 半兩 石

膏 壹兩 藁本 半兩 白芷 半兩 芎藭 半兩 川

升麻 壹兩 細辛 半兩 龍葵花 無花 龍葵花 無花 龍葵花 無花

以海蛤代之

右件藥搗細羅爲散於乳鉢中研入龍腦

以堯器中盛別用生地黄肥好者三斤以

竹刀子細切曬乾入鹽花水拌過於銅器

中炒令黑色又取苣勝子三兩 總錄 炒令

黑色猪牙皂莢半斤 總錄 以鹽水浸一宿

炙黑色次用胡桐淚半兩牛膝三兩總錄片
並搗羅為散入前散藥中攪令勻每日早
晨及夜臨臥搯齒總錄以指點搯齒上益牙齒甚效
搯齒去風令白淨槐枝散方

槐枝壹兩皂莢兩挺長壹尺不艸者芑勝子壹兩炒青

鹽壹兩生乾地黃兩壹

右件藥並細剉入一新瓷瓶中盛固濟於
瓶口上祇留一竅如錢孔大然後以文火
聖濟總錄燒候瓶內藥煙絕為度便取出
文武火

搗細羅為散每用搯齒甚良

搯齒常令光潤白淨桑椹散方

乾桑椹子壹兩川升麻兩壹皂莢壹兩鹽水中

生乾地黃兩壹槐白皮兩壹浸壹宿焙乾

右件藥細剉用糯米飯溲為團以炭火燒
令通赤候冷入麝香一分聖濟總錄都研

令細每日早晨及夜臨臥先以漿水漱口
後搯齒總錄云以指點搯齒

搯齒令光潤黑髮

搯齒令光潤黑髮

貝齒一分文蛤一分海蛤一分石決明一分光明砂一分

伴龍腦一分

右件藥搗細羅為散於乳鉢中研入龍腦

令勻每用早晨及夜臥常用搽齒去口氣

益牙齒甚驗

搽齒去風辟口氣令白淨升麻散方

川升麻一分吳白芷一分藁本一分細辛一分沉香一分

寒水石一分石膏一分麝香一分

右件藥搗細羅為散研入麝香令勻每用

搽齒

搽齒令光白寒水石散方

寒水石二兩白石英二兩石膏二兩細辛半兩升

麻壹兩朱砂半兩麝香壹分丁香壹分沉香半兩

鍾乳壹兩

右件藥搗細羅為散入研了藥令勻每早

晨夜間常用搽齒

搽齒龍花藥散方

龍花藥二兩聖濟總壹兩寒水石四兩錄壹兩搽研

生乾地黄

二兩○總錄焙

右件藥搗細羅為散常用揩齒甚佳

和劑局方

口齒

麝臍散治牙齒動搖風虫疼痛斷肉宜露涎

血臭氣常用冷牙齒堅牢解骨槽毒氣

郁李仁

二兩

木律

四兩

麝香
蜜皮
一兩

判黃茹

二十箇

牛膝

去蘆

已上五味搗碎入罐子內上用瓦子蓋

口留一小竅用塩泥固濟燒令通赤候
煙白色即住火取出以新土罨壹伏時

取出後入下項藥

細辛

去苗

升麻

各十斤

右為細末每用少許搯患處須與溫水漱
口臨卧更貼少許嚙津亦不妨

赴筵散治風牙虫牙攻疰疼痛晝夜不止痛

不可忍睡卧不安牙斷宣露動搖欲脫或頤

頰浮腫斷爛血出

良薑去蘆草烏去皮荆芥去梗細辛去土各二兩

右為末每用少許於痛處擦之有涎吐出不得吞嚥良久用溫鹽湯灌漱其痛即止

常使揩牙用腐炭末一半相和常用醫方大成

集成南北經驗方袖珍方衛生易簡方同止牙宣辟口氣永無

牙疾

如神散治風牙疳牙攻疰疼痛日夜不止睡卧不安或牙斷動搖連頰浮腫不拘久近並皆治之

露蜂房微炙川椒去目及閉口者微炒出汗

右為末每服壹錢水壹盞入鹽少許同煎

八分乘熱漱之冷即吐出一服立効○按

粹方治牙寒痛露蜂房小椒去目炒右為

麤末煎漱禁語言

玉池散治風蛀牙疼腫痒動搖牙齦潰爛宜

露出血口氣等疾

當歸去蘆甘草炙院方生御藥川芎防風白

芷槐花炒藁本院方去土地骨皮細辛去苗

升麻 各等分

右為末每用少許 三因方簡易方得效方玉機微義每用一字

揩牙痛甚即取二錢水一盞半黑豆半合

牛薺三片煎至壹盞稍溫漱口候冷吐之

衛生寶鑑同得效方此下有服亦無方或用金沸草取熏漱亦佳十四字三因方同

但無服亦無方四字 ○院方右件為麤散每用抄三

錢水壹盞入生薑三片黑豆三十粒同煎

至七分去滓漱冷吐

細辛散治風虫牙疼或牙斷宣爛牙齒搖動

頤頷浮腫

紅椒 一本去目炒 ○縮砂 夫鶴虱半牙皂

草撥 各半 荆芥 去梗 細辛 去苗各一兩 白芷 草

烏 各二兩

右為細末每用少許於痛處擦之有涎吐

出不得嚙少時用溫水漱口頻頻擦之立

有神效 得効方簡易方醫方大成集

大全本草

食療以皂莢兩挺塩半兩同燒令通赤細研

夜夜用揩齒一月後有動者齒及血鬢齒
並差其齒牢固

文潞公治牙齒風上攻腫痛獨活地黃各三
兩末每服三錢冰盪盞煎和滓溫服臥時

再用

外臺秘要救急療齒風動痛蒼耳一握以漿

水煮入鹽含

千金翼治牙痛以蒼耳子五升木盞斗煮取
五升熱含之疼即吐吐後復含不過三劑

差草葉亦得

史記淳于意醫齊中大夫病齩齒灸左手陽

明脉苦參湯日嗽三升出入五六日病已

經驗後方治骨曹風牙疼腫桔槓為末棗穰

和丸如皂子大絲裏咬之腫則荆芥湯嗽

外臺秘要凡齒斷宜露多是疳角蒿取灰夜

塗斷上使戒油膩沙糖乾棗切忌之

靈苑方治虛氣攻牙齒痛血出牙斷疼痛骨

碎補二兩細剉炒令黑色杵末依常盥漱
後指齒根下良久吐之臨卧用後睡嚙之
無妨
千金翼治虫食齒根齒黑者以松木灰指之
末雄黃塗斷上白
廣濟方療牙齒疼痛取槐樹白皮一握切以
酢一升煮去滓著塩少許適寒溫含之日
三易之
外臺秘要療齩齒方煮雞舌香汁含之差

食療齒痛食茱萸酒煎含之
孟詵云齒痛秦椒醋煎含之
外臺秘要齩齒方搗皂角去皮炙爲末塗齒
上吐之
古今錄驗治齒痛以楊柳白皮卷如指許大
含嚼之以汁漬痛齒根數過卽差也
又方治牙齒風齩以柳枝剉壹升大豆壹升
合炒豆炮盡於甕器盛之清酒三升漬之
經三日含之類吐

耳珠先生固牙齒法良殺牛齒三十枚固濟
瓶中煨令通赤取細研爲末水壹盞末二
錢匕煎令熟含浸牙齒冷卽吐却永堅牢
或有損動者末揩之

有人病齒縫中血出以紙緝子蘸乾蟾酥少
許於血出處按之立止世有人收三足枯
蟾以罔衆但以水沃半日盡見其偽蓋本
無三足者

陳藏器序雄鼠脊骨末長齒多年不生者良

齒根宜露蚘蛇膽和麝香末傅之其膽難識
多將諸膽代之可細切於水中走者真也
又猪及大虫膽亦走遲於此膽

千金翼治裂齒痛取死曲蟾末傅之止
灰藿燒爲灰口含及內齒孔中殺齒蠶
三因方

齒病證治

齒爲關門腎之榮骨之餘也腎衰則齒豁精
固則齒堅又大腸支脉在牙斷主灌注於牙

大腸壅則齒為之浮大腸虛則宜露挾風則
攻目頭面疳腫則齩脫為痔皆氣鬱而生諸
證不同治之各有方安腎丸八味圓並治虛
壅牙齒疼痛浮腫

安腎圓

方見腰脚明

八味圓

方見脚氣門

西嶽蓮華峯神傳齒藥方

御藥院方陳希夷刷牙藥牢牙齒烏

鬚髮

猪牙皂角及生薑西國升麻熟地黃木律

旱蓮槐角子細辛荷葉

院方澹軒方作蒂

要相當

剪荷葉心用

青塩等分同燒煨研細將來使最

良指齒

瑞竹堂方經驗秘方作明目

牢牙鬚鬢黑誰知

世上有仙方

玉機微義同

○院方右件十味各

二兩除青塩一味外其餘藥味並剉碎用

一新瓦甌兒內盡成其藥又用瓦子蓋合

甌兒口以麻索子繫定上用塩泥固濟

約厚半寸許燉乾穿壹地坑子方濶二尺

約深七寸先放一新方塼後安放藥甌子

以口向下坐用木炭火一和燒令透後青

烟出稍存其性去火放經宿取藥出煞研
爲細末母用刷牙子蘸藥少許刷上下牙
齒次用溫水漱之每日早晨臨臥時用一
次於內早蓮葉如馬齒花如星宿升麻形
如雞骨其色青綠此二味藥本出京兆府
奴婢高邦才謹言牢牙烏髭鬢之藥古今
方論甚多少有曾經驗者奴婢在私家之
日實緣此藥常是與人修合使用親經効
驗略言如後 一有祐德觀景碧虛先生

常用此藥年至八十已止面若童子髭鬢
甚黑齒落重生儀師顏亦識此人之其明
昌二年有統軍司書表姓大年紀五十歲
已上髭髮本生來黃色因患牙疼用此藥
兩月髭髮皆變黑色更不脫落 一負祐
五年陝西安撫事老无患牙疼數月用此
藥痊可至今常用 一曾經效驗者歷歷
甚多不敢盡言醫方大成陳希夷刷牙藥
猪牙皂海生養升麻熟地黃木律旱蓮槐

角子細辛荷葉並青盤薄石用新瓦罐
 盛藥合其以麻絮定塩泥固濟日曬穿一
 地坑先放新磚後放藥以鐵口向下用炭
 火燒令青煙出稍存性去火經宿取為末
 每用刷牙濕冰漱去醫方集城南北經驗
 同湯藥木小來黃同患水同用
 常用齒藥牢牙去風冷神蟬宜露滄蔡方醫
 成南北經驗方袖珍方不問老少用之甚效
 此下有一切齒疾四字
 ○御藥院方柳枝散治牙齒諸疾常用牢牙

去風甚効

槐枝 柳枝 各長四寸竟握切碎 ○經驗
方各截
 四十七 皂角 不艸者 塩 四兩 承類 鈐方四
文重
 右同入瓷瓶內黃泥固濟糠火燒一夜候
 冷取出研細院方此下有用如常法有石
 佛庵主年七十餘云祖上多患齒疼脫落
 得此方効數世用之齒白齊密乃良方也
 衛生十全方

口齒

治風虫牙疼衆藥不効者先以荆芥茸撥細
 辛等分煎濃湯熱含冷吐四五次了即用
 下藥取大蛇蛻一枚以針刺眉上取脂不
 使針具以手彈取亦可以新絲些子染其
 脂令通濕了圓作小毬子塞痛牙內痛立
 止

治風虫牙疼用猪牙皂角一條去子入巴豆
 七粒去殼者用濕紙裏煨火煨過却取去

巴豆不用只以皂角爲細末入胡椒末少
 許和勻搯痛處立効

治風牙疼痛

良薑一塊參一塊金蝎一枚

右爲末以手指點藥如齒藥用須擦令熱
 徹須臾吐涎以荆芥搥湯灌嗽甚効

是齋醫方逡巡散治風牙疼腫不拘新久
 一服立効高良薑二塊約全蝎一枚

爲末以手指點藥如齒藥用須擦令熱徹

須臾吐出血少涎以塩湯漱口次妙亦治腮

頰腫痛得效方澹二十餘全一

指牙藥對心蘇頌合煎下熱風不

槐枝與柳枝荷葉取中生薑和坡地黃

升麻與猪牙皂角肥上降藥用藥全

右細剉入藏瓶內炭火煨存性候冷入細

辛參兩青塩貳兩二味不煨同研為末早

辰常用揩牙塞牙槽黑須髮

神巧萬全方只以蘇頌末入

治齒出血不止方每旦以一捻塩內口以煖

水含叩齒百遍常以為不絕不過五日且

口齒即牢密凡人患齒不能食菓菜者皆

齒露也為此塩湯叩齒法神効

又方生地黄壹斤胡桐律研白礬火煨各麝

香少右件以地黄汁入銀器中熬欲凝下諸藥

成膏收瓷合中用塗齒斷上

治早米欠蓋車蹉不得張口方一人以兩手

治早米欠蓋車蹉不得張口方一人以兩手

牽其頸以漸推則後入矣當疾出指恐誤
咬人○得効方輔車開不可合一人以手
指牽其頤以漸推之則復入矣推當疾出
其指恐齒傷

三枝散牢牙去疳氣

槐枝 柳枝 桑枝 各剉寸長

右件用冰三斗煮耗留一斗許却引用升
麻細辛末各二兩胡桐淚二兩青塩細研
入四兩各同入三枝汁中熬乾於瓷器內

收貯每日如齒藥使其槐柳桑枝仍先濾
去方入衆藥熬就

助道方

治老人腎弱牙齒疼

老人腎弱齒浮疼多用涼藥擦牙根肥皂藏
塩火煨黑揩牙常用白如銀
老人齒疼皆因腎氣虛弱或因常用涼藥
擦於牙根但用肥皂一枚去核入塩在內
用鐵線扎合以塩泥固濟於爐內火煨令

黑研為細末每日於晨朝常用指牙固齒定疼其効如神

治腎虛牙齒浮疼

牙齒浮疼腎氣虛每回發作不能除桑君黑

錫排風送固齒牢牙痛即祛

牙齒浮疼者皆因血氣衰弱陽明脉虛用

局方排風湯一貼水二盖入生姜三片煎

至一盞去滓分作二服送下局方黑錫丹

半貼其効

是齋醫方

治蚰牙疼

懼仙活人心一笑散治風虫牙疼痛不可忍此藥神效

漢椒

為末以巴豆一粒同研成膏飯為元如菜

豆大

壽域神方活人以歸裏安在蚰牙孔

處立効昔有為樂清簿者蚰牙痛不可忍

號呼之聲徹于四鄰用藥不效有丐者獻

此方用之即安

治牙疼不可忍烏頭尖

生用

右為末擦疼處用藥後以竹葉或細辛荆

藥譜卷之十

芥煎湯漱口
乳香膏治虫牙痛錢參政家方

光明白礬過滴乳香各等分

右二味為細末溶醵量多少和成膏旋元看虫牙孔子大小填之其痛立止神效又方入染烟脂少許和令深桃紅色只作散遇牙疼痛用壹字以指揩擦良久用温鹽湯漱得效方同入心治風虫牙疼腫不可忍每用少許指患處吐

涎雖燕津亦不妨甚妙

青蘊四川烏頭二兩去尖劈

右入甘鍋內用熟炭火煨候煙出盡存性取出埋地內三日碾細指患處如煨時以木杖子攪之不得犯鐵却將壹盞蓋甘鍋子且上或用堯罐承煨亦可每指藥先用荆芥湯漱口指了亦然

治風熱上攻齒痛余頃在淮西幕府已酉冬被檄來和州至含山縣齒痛大作忽於壹

類聚卷之十

五十五

刀鐮火處得草藥壹拾許以湯泡少時冷
暖隨意以手指蘸水滾痛處即定明日若
失去歸余因傳得其方後以治人多効皺
面地葱采即茶葉猪鬃又名地菘者霜後
收之每用少許湯泡或去即見鶴虱但本
草別有鶴虱差為不同流存中筆談專辨
地菘云其所稱鶴虱余之所用正是此物
也錢季誠詩用鶴虱一枚摺置齒中高監
云以米醋煎鶴虱嗽口其痛立定尤妙

治牙痛善法寺僧如真傳澹寮方名白殭蠶

直者不以多少用生薑片切同炒候殭蠶
赤黃色為度去薑不用將殭蠶為細末每
用取不艸皂角剝去黑皮以手指蘸湯於
皂角黃上擦取汁搨得效方殭蠶末搯痛
處即止

治牙疼盛公紀云親曾用甚驗蘇木水

搨二草烏一兩

右同炒冷草烏為黑色同為細末以擦患處

治風虫牙疼亦暴赤眼并頭目昏痛鵝不

食草

右不拘多少紙裏懷煎碾為細末先滿含

水噙口然後搐鼻隨病左右搐之若不含

水恐藥搐入嚔喉迴關梨云治頭目加川

芎雙箇道人加全蝎各少許

治風蛀牙痛馬敏叔說壹村媪苦牙痛百藥

不効用此即愈絲瓜兒俗呼為天蘿燒灰

存性為細末擦痛處立止項効錄直指方得傳方山居四

要同

升麻地黃散治風氣上攻牙齒疼痛眼腫連

腮頰緊急王尚書宣子方

升麻 生乾地黃 地骨皮 青蘆 川

芎各半 皂角一挺 細辛二錢 槐角子半兩

右為細末每用少許指擦齦上有涎吐了

誤嚥亦無妨

治牙齒痛姚克温說此方甚驗以蕪荑仁安

蛭瑣碎錄得 齦上有縫就以塞之立驗

治風腫牙疼趙忍管方焉夜眼主以刀兒薄

起查片于板在斯患牙縫中或咬在痛處

瀝出風涎即止不可嚥得效方同

薑黃散治牙痛不可忍舒挺之撫幹嘗患徧

用諸方無若此方之良辛二金

薑黃細辛白芷等

右為細末併擦兩三次鹽湯嗽立止政和

八年胡表文給事之父牙疼不可忍面腫

偶無薑黃檢本草川芎亦治牙遂以代之

坐間便見腫消痛止後止用川芎亦驗

治牙痛曾府判茂昭說

巴豆壹枚去殼并膜淡豆豉壹箇

右同研爛每用針頭許以連紙裏安痛處

立止不可太多亦不可令侵齦恐能損肉

又方玉機微義香白芷太平州道地者不以

朱砂研十分白芷之一別

右為細末入朱砂拌勻煉蜜元如大櫻桃

大每用一元痛處立止廬州郭醫傳云

渠親曾取累効勝宅藥此藥乃濠梁一
村婦人以醫延帥母夫人者倉卒不用朱
砂及蜜亦可其功只在香白芷耳趙從簡
府判所用只白芷細辛貳味等分亦每作
效

治牙疼立效散

零零香淨洗軟華擦洗劑碎大
火炙燥右貳味等分爲末先以炭一塊爲細末揩
痛處連牙床並揩淨以藥擦痛處老人風

蚰牙疼小兒疳疔走馬疳等悉治之

治牙痛諸藥不効者漢陽章教授方芫花碾
爲細末擦痛處令熱立定袖珍方永類鈔
方經驗良方此

治牙宣下有温水赤土荆芥同爲細末揩齒上
散之四字
瑣碎錄

治齒衄以苦竹葉濃煎漱日李莫安又糟茄新瓦
作痛

上片切燂令乾黑色爲末傅之

治齒不出

雞糞 烏雞糞 以二雞各畜之收糞 舊鞋底

麻底尤佳 世輒合神效

右三物等分燒灰存性研細入麝香同研傳於齒齦上李莫安撫女子退齒踰年不生甚以為捷因過平江會李亮卿語之李云予有此方已經試驗用之一月齒遂生

王氏集驗方同

醫方類聚卷之七十一